



心菴世稿  
秋

自有

~16  
2313  
3





和  
23/3  
4-3

自有遺稿詩抄目錄上

詩

六月上旬即我曾王考晬辰

鍊光亭月夜

哀鄭友永叔

景祚

南充途中

病後

二首

郊村即事

過客浦

重過湖園

景祚



送別申友綏叔光履出宰麟峽

亾婦氏祭日過於夫家

送成郵丞士執大中

春入清潭次淵翁板上韻

上元夜無月會溪樓

季父知詩山懸優養

送同人真宰允謙之任郵官

寄耽羅金學士光仲煜

送家弟在淳以新恩上舍謁西山書院

終南

季弟集淳家逢沈友景洛淳希

重過歸來亭季父時在南州

送三從弟性元命淳之任江陽

合江亭

正陽樓望眾香城二首

江上亭二首

詠靈泉

沈生東柱之行寄兒子著根雪嶽讀書

送從弟汝居宅淳飲五色泉

送閔戚維城師膺省觀嶺邑



夜宿新寧屬主倅徐德而 邁修三首

朝陽閣喜赤羅使君俞汝成 漢馬來三首

別延安府伯李仲善 樂培

津寬洞口

上扶旺寺寺甚弊弊

奉別族叔稚膺 履禮 氏之任安州

秋坐

家後庵子

夜復會

月溪途中

驪江

望夜登清心樓

玉簫來自降仙樓月夜聽一曲

客散聽琴

溪樓看月

早發東行

鐵原途中

廣平贈主倅俞兄珠瑞 彥錫

別三從兄曾約 魯淳 氏出宰成都

宿寬弟齋所 三首



蒼玉屏書院 二首

同沔陽宰俞兄訪靈塔 二首

別黃稷令士正 二首 出宰丹丘 二首

江上寺逢 靖陵官尹友敬甫 行儼二首

江岸聽笛

登楮島

從弟追進壽觴於季父周甲

送南友伯宗 紀漢 看穫聞其詩人亾

南友漢叟 紀雲 晬日

三從兄浩元 養淳 氏梅窩夜會 二首

南至前三日帶洞看梅

至夜拈韻

除夜 二首

李退士丈 最中 池上茅亭

臘日陪季父會季丈溪庄 二首

上元夕有雨意夜乃快晴 二首

新春溪舍

送沈令有之 有鎮 出宰越州

北郊金氏庄

閱友履吉 慶世 得龍城通判 三首



送俞兄之任三陟 六首

俞兄自三陟移光州

送南漢叟楊口縣

餞席又拈韻感漢叟伯氏書樓

次南漢叟醉席韻 三首

至日題詩問鄰友漢叟梅信 二首

送家姪遠根入山讀書 三首

季父移寓心庵

秋後鄉思

秋暝 二首

心庵拈韻 三首

立春日又疊心庵前韻

洪友汝範 曉詠 賃屋作鄰 三首

南友伯宗回甲之席次前日所贈韻

南友回甲日不樂在家往省其先墓 三首

退卜南友壽席 二首

聞南友子長 紀海 云亾又以前韻題其末

子長與余同庚 當在上二首

副率兄浩元氏有歸耕之意

同致膺叔曾約兄坐溪亭 二首



喜蔡友季紹百休自鄉過訪

臘後立春二首

將向嶺南早發銅津

天安道中

宿茂朱店舍

喚睡亭喚是醒意二首

入安邑

入靈覺洞口二首

隱身庵三首

自隱身到長水寺

得京書

謾詠二首

散步橋上有牽牛而過者

訪舊宰朴子文師郊居停三首

觀獵

臺名愁送改以搜勝

訪鄭桐溪末年隱居名曰某里二首

謹次季父寄下詩

謹次三淵先生與郭斯文韻

立春



登光風樓

新春

客中遇室忌念釋子將事

李君佐

漢昭

自俗離來訪

散步江岸忽有春雪

元宵出官橋看月

送家姪先歸省親

客中謾詠

六首

登樓逢鄭一蠹後孫

同地主拈韻

二首

太守勞農

觀漲

二首

邑中

觀魚

樓上觀燈

同舊宰入長水寺

光風樓夜坐

安邑端陽

重修樓閣新作漁舟

二首

七夕後日

二首



再入尋真洞

龍湫

乘月上橋

舊宰居停

簡禹老

中元上官橋

黃山訪慎處士幽居 二首

送家弟省掃先墓 二首

復簡禹老

再入猿鶴洞

贈慎老

買鷹手陳

葛川慈怡堂小樓

仲秋入龍門書院

禹老宅與舊宰拈韻 二首

觀獵 二首

失鷹 二首

月夜散步因訪禹老

次禹老謝東閣韻

歲除



主人以公事往隣邑獨坐守歲

黃山慎老入於巡相薦聞

亾室忌日

黃巖春享

簡禹老 二首

禹老有詩為別和其韻以歸

久阻京信

和地主題詩三洞花信狀

送春

樓上 二首

惟勤堂族祖僻居湖海事親至孝

曾自洞陰歷訪成子郊庄

至夜看梅

復入安邑得琴字

別江陽權生哲性

次禹院長韻志感餞歲 二首

亾室忌日

復占烽字以要和

登官後麓

觀鄉人飲酒為樂



燈夕登花鶴樓

橋上

與二三子入尋真洞

龍湫觀瀑

登禪樓

琴軒次主人韻

三首

登樓次使君韻

二首

自有遺稿詩抄上

詩

六月上旬即我曾王考晬辰而不肖又以是日

生焉曾王考晚居湖海之濱壽考令德竹峴李

公秉常青淵族祖俱以衰老而敬舉觴為賀時

余八歲從牀下起舞曾王考撫頂奇之曰兒生

與我同日其將得我壽乎其後二年曾王考下

世又十餘年二公逝不肖今蒼然矣

鄉園盛事昔年繁同日懸弧祖抱孫吏部藍輿來竹

逕先生野服自淵村壽杯迭獻千籌錯顏髮爭瞻一



座尊牀下小兒吾亦大今朝百感涕交翻

鍊光亭月夜

十日關山倦騎來登樓便覺意悠悠  
哉坐看烟水渺何極時有漁舟去  
復迴危檻勢爭江月迴清簫聲斷野  
雲開平生勝賞惟今夕直到雞鳴醉百杯

哀鄭友永叔

景祚

三山淳厚老哭子滿頭絲人善何無報  
天高不敢疑應多泉下淚空作世間悲  
萬恨悠悠在呻吟途旅時

南充途中

畏熱趁清曉衣裳澹露華店門多聚米  
官圃早懸瓜

碑卧藏蛇穴橋頽漲鴈沙行人馬首語  
多是怨移家

病後

一病遲蘇健暄涼數換衣迎醫嫌地僻  
畏厲喜村稀花落元無信鸞歌自弗違  
西園有水石興與白雲歸

又

物態悠然靜看宜蒲團偃仰不知疲  
蝶棲磴樹雞初趁蠶老山家鳥自窺  
睡起課兒頻問筭病餘澆飯強加匙  
手持古卷仍高詠岸幘松風入戶時

郊村即事

去郭園林得地寬客來秋日暫停鞍  
柴門虎過掩溪



心廣世和  
伏荒櫪雞棲馬共寒稼穡今年多水旱田家到處說  
艱難書生不解家人業細酌村醪坐夜闌

過客浦

逶迤西去路三宿海山扉林亭淡不見烟雨細成霏  
花落空園樹春寒遠客衣新詩兼別恨何似去年歸

重過湖園

每過西湖涕自斜今年又見故園花誰知憂病催人  
老當日兒童鬢髮髽

送別申友綏叔

光履

出宰麟峽

琴書君所有攜上合江舟誰道爲官去還成出世遊

白雲迷古峽涼雨又新秋公牒多閒日行尋雪嶽遊

卜婦氏祭日過於夫家上黨寓居

泉下無寒暑世間只送春弟兄睇舊淚君子聘新人  
風雨淒將夕山川杳隔晨蕭蕭頭盡白有姆閱箱巾

送成郵丞士執

大中

花江督郵去楓岳遍遊觀有馬非寒士無錢亦好官  
白雲春滿峽青草雨連灘別後多明月君應獨倚欄

春入清潭李文

昌鎮

朴公

師錫

鄰弟會元

應淳

同焉次淵翁板上韻

西出王城數子同清潭遺躅百淵翁巖開流水逗成



匪林缺奇峯橫插空晴日禽鳴芳樹上白雲人語盡  
樓中此遊幸躡先生後休道風埃阮轍窮

上元夜無月會溪樓朴友永叔

胤源

諸人鄰姪

晚根共賦

欲向前橋步還從暮雪歸人猶少時興月異去年輝  
坐送良宵盡遙聽禁漏稀新春第一會花發滿山扉  
季父知詩山縣優養奉王母兄弟趁歲時南下  
而余未能焉

兄弟皆南覲離違獨此身自知非遠客還似未歸人  
斗柄瞻今夜燈花祝老親專城賢季父彩服歲俱新

送同人真宰

允謙

之任郵官

郭外荒田半石灘長安旅食日三竿誠懸 御膳烏  
紗斲老怕春風雪鬢寒嶺路馬疑天上去郵亭山似  
畫中看驪歌一唱難為別花樹餘情却少歡

寄耽羅金學士光仲

煜

行當浮海矣海之魚龍秘怪恍惚出沒波濤洶  
湧患禍難測而知不變者獨有足下一心耳十  
九年嶺海髭髮勝昔可復見於今日耶

宋子遺編細繹尋賈生憂國十年淡滄溟有路魚龍  
窟荆棘為家榻袖陰贄胤終能述先志名臣豈肯負



初心投荒莫恨 天門隔海外猶瞻日月臨

送家弟仲寬 在淳 以新 恩上舍謁西山書院

長安行盡百花間柳絮飛時嶺嶠還舊制 皇明惟

欄服春風薇蕨過西山

終南

上有孤雲白登臨絕頂青樓臺平不動車馬去還停

往往橋分路重重物各形身邊來浩色江漢即門庭

季弟季剛 集淳 家逢沈友景洛 淳希

弊褐人皆賤清詞世不知無驢出郭路有子候門時

窮道誰能仗羈遊空獨遲治田春有事隣耒好推移

重過歸來亭季父時在南州

江漢詩畱少日吟居然霜鬢此登臨地因畫閣顏如

舊春有遊人情更淡白鳥飛迴迎客渚蒼槐老作繫

舟陰南州欲和淵明賦會待漁磯杖屨尋

送三從弟性元 命淳 之任江陽

驪歌唱盡折寒梅鳧舄南飛海印開嶺月正圓千里

駕禪花初上使君盃風埃遠跡將成隱民社分 憂

合試才獨有錫原多少淚憇棠遺化十年迴

合江亭

昔聞雪嶽先生詩今上斯亭作者誰二水中分未必



勝一江相遇却云奇源長列郡來何自流盡千山若  
與期澹澹烟波朝暮色漁磯惟有白鷗知

正陽樓望眾香城

正陽樓與碧虛連環以香城列眾禪浩劫山應千古  
在清秋人自一來先不妨露頂衰楓葉無限全身散  
雪烟極目斜陽情更遠直須明月挾飛仙

又

萬二千峯勢方知此會神虛明豈是月浮白亦非晨  
夕照丹霞面晴空皎玉身若論肖厥像無復世間人

江上亭

何處非秋色高亭易夕陰白雲生石竇紅樹落江心  
一逕孤村指荒碑古渡臨漁翁寒不去鼓枻聽遙砧

又

為客清秋晚愁繁獨上臺神祠牛酒薦山木吏人來  
黍稷場新築烟霜野始開漁樵次第返多向里門槐

詠靈泉

泠泠石間水五色嶺頭青赴飲思如渴忘疲脚不停  
苟能療已疾何限謝泉靈不是無心物淡知厥味馨

沈生東柱之行寄兒子著根雪嶽讀書

白雲東望出奇峯天際依然雪嶽容我昔秋風一上



頂爾今蘿月再聽鍾書燈暝照潭龍睡佛鐸晨歸洞  
虎蹤鐵杵匡山得無餒縣倉分粟老僧春

送從弟汝居

宅淳

飲五色泉

三年滯鬱住西關聞道靈泉五嶺間馬首欲東初峽  
路龍門以外盡寒山病喉却似文園渴調水應從玉  
洞還不是今行徒為病百淵叢桂去堪攀

送閔戚維城

師膺

省覲嶺邑

巾服非南士騎驢是北生寧親踰雪嶺為客入丹城  
却似還鄉里何須作別情盤飧無媿色知爾早成名

夜宿新寧屬主倅徐德而

邁修

驛亭春樹色山縣送斜陽草綠迷官路花紅妬妓裳  
畱吾千里枕飲子一樽香洛下難成會還驚在異鄉

又

官居極蕭灑吏退門槐青關外畱賓席尊前泛水萍  
音容明燭宛茶果上盤馨漠漠烟歸店孤角動春星

又

主人為酒夕命妓一彈琴不有風流厚誰寬行旅心  
月高山縣小花發水村陰百里羅城遠無緣共此襟

朝陽閣喜赤羅使君俞汝成

漢馬

來過

沙平草綠古城西遊鳳山飛快馬蹄畫閣客能成一



笑春風禽自送三啼殊鄉帶酒新知縣千里看花舊  
涉溪浪跡隨緣詩在此為君多誦醉中題

又

高閣風多不整冠猶看春酒玉壺闌橋連野渡樵童  
小花落江臯浣女寒傲吏風流傾厚廩故人談笑倍  
佳餐西歸若問南來事先說朝陽此會團

又

微霑平楚雨餘飛落照翻紅獨樹扉天作三山江上  
立樓高二水世間稀居人麥早周南食客子春溪漢  
北衣地是圃翁生長里臨臯祠下辦香歸

別延安府伯李仲善

樂培

髭髮頽然長吏宜傳家冰蘖又能持百年城郭延安  
府十里芙蓉南大池春水方生閒戰艦鎮門無事喚  
溪卮分憂正值昇平世海國民歌卧閣治

津寬洞口

一年多病久徘徊忽有山行興若催白衲雲隨孤磬  
動蒼崖路入亂藤開古龕苔蝕渝金佛廢寺秋花多  
石臺欲向靈源窮勝賞重峯漠漠水流迴

上扶旺寺寺甚弊

遙聞巖溜隱如雷不識禪扉底處開入洞高低紅樹



岸登樓邂逅白雲臺秋僧不在空懸磬水碓長閒欲  
遍苔寺觀廢興猶有感客來斜日淺溪盃

奉別族叔稚膺

履齋

氏之任安州

不知肥馬與輕裘祇有臨歧出塞愁試看江山箕子  
國依然伯仲百祥樓留為夙夜贊勞職去亦關防一  
大州錢穀甲兵皆分內送君今日 聖恩酬

秋坐

風光節序日相催出郭人多修墓盃溪屋摘匏籬蔓  
缺宮橋賣果市聲來先山送子秋生峽庭院無人雨  
破苔貞疾三年猶不死松楸舊路夢中迴

家後庵子

古庵松自老山盡小柴門落照初開洞孤烟不見村  
巖間一吠林外鳥雙翻欲識真奇絕登臨雪後原

夜復會

月白如前夜泠泠琴在庵偶因觴豆列遂得弟兄叅  
扶醉穿林杖凌寒戴雪巖神清還放嘯星斗背城三

月溪途中

壁立蒼崖可賃樓馬行其下樹磨頭鴻歸別浦猶楊  
郡犬吠孤烟是廣州商帆天寒多上峽漁人日暮故  
中流滄江斷處為投宿片月踈籬翳客愁



驪江

多病猶爲十月征黃驪不遠宿春程天風落木吹人立鴻鴈橫江照日明雲際逢僧知甕寺津頭見吏近官城龍門馬石分形勝樓得清心擅盛名

望夜登清心樓

浪跡東行不計程清心樓閣百年名秋懷客問前村酒峽勢江長古郡城何處今宵無月色二陵喬木有寒聲欲將漁篋扁舟去恐攪蘆州睡鷺驚

玉簫來自降仙樓月夜聽一曲

十二欄高接遠霄清秋一曲玉爲簫餘音不斷長安

道千里翻回巫峽宵自與啁啾絲管異居然寥落月星搖若教白雪嶺頭聽未信緩山上界遙

客散聽琴

客隨暝色出門紛彈者其人意夜分試拂踈絃清四壁慢凝餘響度孤雲月窺院宇如相識鶴睡松陰宛有聞更得芳鄰神一氣白頭無語暗香薰

溪樓看月

霜後高樓碧滿天蒼茫候月坐翛然側窺衆物紛紛影稍出千家澹澹烟浩氣流通滄海外孤輪懸在斗牛前清高桂樹如將數九陌無塵夜抵年



早發東行

聽鐘纔十里冰雪已全衣路入松間黑星從月下稀  
隣雞方喔喔曙色定依依小店人先語山村尚掩扉

鐵原途中

偶然出郭欲何從行盡冰程再宿春馬上遙知金化  
店雲端忽見鐵原烽漁樵暝返山村逕商旅寒驚虎  
豹蹤峽勢蒼茫迷遠近數聲鼓角出官松

廣平贈主倅俞兄珠瑞

彦錄

消殘弓裔舊城臺峽裏絃歌小縣開鳧舄飛來三百  
里銅章兼帶一蓬萊禪扉雪色官樓得獵騎寒聲夜

火迴信宿依依桑下戀雞鳴相看盡餘盃

別三從兄曾約

魯淳

氏出宰成都

奇峯十二木蘭舟名勝關西第一州白髮稀生跨鶴  
日黃金難買降仙樓笙歌恍若瑤空到酒席還從鏡  
面浮誰道今行羈宦去盡將家室作清遊

宿寬弟齋所

誰是山中主吾家有弟賢園陵寒草木霜露淨人烟  
飯熟加匙飽燈淡洗足眠離家未終夕還似異鄉然  
又

倚杖秋冬候霜清萬木淒天風多自北陵日易低西



歲暮人催老山寒雞早棲齋官許掃葉喧鬧馬牛蹄

又

去郭蒼蒼樹依然隱者棲齋官如入定番僕亦無妻  
只是堪炊飯何須復殺雞焚香重職事晨盥度寒溪

蒼玉屏書院

晚過松桂縣先問拜鵲祠一帶晴川漾千尋峭壁奇  
丹青儼如在俎豆享於茲邱壑平生志巖廊坐幾時

又

逸士名臣賸食鄉吾家丞相亦堂堂歲新牲酒青衿  
集臺古松杉白鶴翔再拜後人何所仰一瞻遺像未

能忘廟門秋日灘聲近頗似三巴錦水長

同沔陽宰俞兄訪靈塔

晚酌盈尊酒清明昨日過葉生山木少花着野蕪多  
馬立初尋寺雞鳴忽有家身輕春服後興遠自成歌

又

初見名山塔白雲與共斜僧閒雙鬢雪桃老一枝花  
石氣淡懸磬春陰自亂笳客遊仍混跡藜杖踏金沙

別黃稷令士正出宰丹丘

山南解紱兩經年何處官樓復釣船職似寢郎猶薄  
宦身親壇祀是清緣江天雪盡雙旌道峽出春生四



郡烟去八丹丘應有遇為言吾老學神仙

又

離愁東望路重重步繞軒楹聽遠鍾雲際流音鶴驚  
雪松端皓彩月窺峯明朝嘶馬君將去春水扁舟我  
亦從且却簿書花滿案訟無虞尚好談農

江上寺逢

靖陵官尹友敬甫

行儼

少日騎驢早識荆古家風義兩相傾春城尚記紅顏  
好蕭寺還驚白髮明薄宦棲遲淹寢直中年離合聽  
江聲聞君篋裏詩千首不許人知亦盛名

又

蒼蒼松柏道午磬水雲東僧老如陵僕官閒學釣翁  
偶從花岸去還喜柳陰逢日日清江上知君俗慮空

江岸聽笛

山中花事未全衰東望長堤柳拂絲游客多登楮子  
島居人每祭女娘祠扁舟閒閉漁村色短笛春回白  
鳥期路入蒼崖知近寺僧從雲磬告新炊

登楮島

兩三村戶小漁釣此相持岸勢危成島江流繞似池  
草淡眠鷺渚花八卧牛籬有客來橫笛登臨意故遲  
從弟追進壽觴於季父周甲越翌月十三日



松下圓池養鶴壇早來鄰客抱琴彈  
桑弧幾度常年事華甲方能卜日歡  
孝子惋容趨在席親朋笑語醉盈欄  
簷端為愛初昇旭春意如同歲暮寒

送南友伯宗

紀漢

看穫聞其隣居詩人亾

看穫君何去荒江有薄田少時不知穀  
老去始無錢牛背新秋色龍門白髮年  
詩朋今又死隣笛一潸然

南友漢叟

紀雲

醉日

少年衣作老萊新喜氣君家此日臻  
却值懸弧猶是臘若論回甲越明春  
多男從古元嫌富弗祿由來不厭貧  
孤露餘生同百感鄰朋亦有把盃頻

三從兄浩元

養淳

氏梅窩與洞友夜會

不有君來好何由永此宵  
暝翻鴉雪樹清唳鶴雲霄  
欲遣窮廬感時成小酒招居  
然梅落處還似送人遙

又

歲暮頻相過荆扉不掩宵  
梅房淡燭影星斗近春霄  
童僕寒無睡宮巡暝有招  
明朝期獵去畱興雪山遙  
南至前三日帶洞看梅

多病主人早下帷今年梅信未應遲  
忽驚南至先三日已見北窓開  
一枝春返窮陰林下在香聞高枕夢  
中奇芳鄰更有寒添雪竹色蒼蒼護短籬



至夜拈韻

一樹寒梅影伴身  
閉關孤燭亦佳辰  
山家煮豆同遺俗  
簾外青烟月上新

除夜

屠蘇酒熟及新年  
若有今宵餞客筵  
雪壓棲鴉西郭暮  
寒吟櫪馬北風連  
燈心只許曾襟照  
斗柄應隨歲聿旋  
料理送窮仍舊俗  
庭畱爆竹一團烟

又

錯落星河夜向晨  
雞鳴便道一年新  
少時已遠何能記  
六十由來轉覺頻  
尚有童心輕出洞  
居然老醜媿

逢春從今萬念消除  
盡飲啄隨宜地上人

李退士丈

最中

池上茅亭

循牆容隙地藏得  
小園林何必山中隱  
猶存塵外心  
荷塘清且淺  
草閣窈而深  
不妨月明夕  
泠泠一奏琴  
臘日陪季父會李丈溪庄

歲暮山居臘日迴寒  
廚斫肉煖淡盃解官  
五馬騎驢至多病  
高車隱几來已屬樓  
臺無地起却辭簿牒  
有尊開蒼然暝色歡  
終席賓主忘形半是  
談

又

林麓緣流石磴回  
風埃不到上霞盃  
瑤琴忽值神童



抱玉遂如將羽客來一曲誰從明月聽三溪元自白  
雲開養梅喚鶴還多事謾說孤山入笑談

又

風流之處客知回欲問黃花舊飲盃白飯登蔬眞率  
會青驢載笛畫圖來月應與雪經旬滿梅爲迎春餞  
臘開寄語山房頻卜夜五更明燭劇談談

上元夕有雨意夜乃快晴

老翁看月上城頭亂走兒童各喚儔向夕春陰易成  
雨半山雲日忽含愁豈無蟾桂他時影難得虹橋一  
夜遊最是新春修故事上元前後 聖恩優

又

上元佳節起鄰翁候月通衢倚杖同臘雪全消爭走  
馬春風先得早歸鴻樓臺遠勢懸明鏡簫鼓喧聲繞  
彩虹久病今宵身浩蕩渾忘步履遍西東

又

浮雲收盡欲晴霄市柳風微自動搖月色能知無禁  
夜笙歌多在有名橋兒童得意青春至公子豪情白  
馬驕步出前街新起病壺尊夏被巷東邀

新春溪舍

卧病書生謾畜驪春寒細草放山阿即看童僕蒼頭



大轉覺親朋白髮多種樹牆隅新補缺引流石上舊  
成磨廣陵小艇遲回久一卧郊園好養痾

送沈令有之有鎮出宰越州

曉月銀臺鬢欲皤峽民先唱暮來歌越中山水名於  
國漢北風烟本自家信美莫言非我有好官何必得  
錢多白雲松栢清嚴近錦瑟華筵未敢誇

北郊金氏庄

柳堤穿盡木綿田村落分開點點烟卧瀑遙來喧洞  
口高樓新起隱松巔居人暫出迎顏面遊子先登列  
管絃前有晴川漾一帶龍鱗多在馬蹄邊

閔友履吉

慶世

旅宦京師得龍城通判不得率

眷

三年棲屑故鄉非絕塞除書十口違征蓋欲隨雲北  
去邊風初送鴈南歸黃花未折先為別濁酒雖傾更  
可唏民社分憂還在此侍臣裘馬厭輕肥

又

塞外為官戀 聖朝軍中讀易坐秋宵邊雲雪落豪  
鷹動野戍風高駿馬驕瘠土土多尚信義太平民亦  
溢歌謠聞從上將時觀獵細柳營前醉渡橋

又



男兒瓠繫恨悠悠一曲驪駒莫謾愁青海烽來天盡處  
處白山雲出地窟頭何論去國三千里猶得為官第一  
遊多少雙旌南下路登臨無此樂民樓

送俞兄之任三陟

十載分憂 聖渥隆居然白髮易成翁雙旌路出都  
門下三陟名高九郡中樓閣半侵滄海碧日輪遙上  
鬱陵紅秋風此夕還輕別却似蓬萊送看楓

又

峽勢蒼茫鬱未開垂藤亂石馬徘徊忽驚心目嶺頭  
立初見滄溟地底來民物東關大都會風烟百里好

樓臺天晴海晏知今夕明府新筵酒滿盃

又

文士元非小吏才活饑南郡又東來竹林村養蒼寒  
色松樹官封老大材石入武陵渾是雪灘名五十自  
成雷送君管領今如此暇日肩輿幾處迴

又

蕭蕭鴻鴈店門燈曙色隨來賣藥僧不盡白烟迷火  
嶺半窺紅日界江陵官途艱險人猶慣峽角岩嶢馬  
亦能荒僻居民多性氣須將治道似治繩

又



心履世和  
行廚先食嶺東魚  
旅館挑燈舊看書  
鳥外白雲連海際  
馬頭黃葉入山初  
訟民多自烟霞窟  
官閣新開水竹居  
謾說仙區增悵望  
故人安得一騎驢

又

吾愛吟詩君莫嗤  
窮人苦癖定難醫  
黃花經閨開非晚  
白髮逢秋意轉悲  
滄海送人曾幾日  
長安歸鴈却如期  
重陽獨酌同今昔  
杜老知應有別離

俞兄自三陟移光州

秋濤江漢盛浮浮  
鳧舄翩如世外遊  
邑里三千無絕戶  
湖南五十有名州  
路過蘆嶺愁多病  
地近橘林喜

及秋千載月輪留  
赤壁須君橫笛駕扁舟

送南漢叟楊口縣

路過花江古驛邊  
蓬萊遠勢望如仙  
秋清馬入千峯影  
縣小雞鳴十室烟  
山粟祇應多減稅  
鄰氓亦有願爲廛  
却知去日陽春動  
峽裏新謠在二天

餞席又拈韻感漢叟伯氏書樓

離合存亡劇逝波  
世間人盡鬢皤皤  
名區獨有晴霞洞  
十載重尋伯氏家  
送子明朝秋色晚  
開尊黃葉雨聲多  
老猶作吏身能健  
官閣看梅易及瓜

次南漢叟醉席韻



心齋  
偕老多男子吾曹有一人綦巾常及日白首對如賓  
醉席今何夕君家別是春若論爭獻壽壽到百杯醇

又

君有寒梅老梅應識主人清香回授几一笑共延賓  
透得三餘雪安排九十春氤氳滿座微醉勝含醇

又

楓磡晴霞北麓前里中莫逆自童年良辰迭宕無虛  
日華甲重回有此筵入室緩琴鳴在御稱觴綵服舞  
相連龍門采藥君家事難老知非別界仙

至日題詩問鄰友漢叟梅信

背郭寒鴉數點浮山家籬落斷溪流閉關至日扶陽  
意鑽火中廚煮豆謀鬢髮三千無一黑人生六十有  
餘愁故人養得梅花早雪裏春應識舊樓

又

愁來無酒或狂歌病裏題詩祇自哦雪意烏鴉啼款  
曲天寒草木立嵯峨百年謾信青春在萬事都休白  
髮多猶有一陽終不盡新賞旬朔到山窩

送家姪遠根入山讀書

今朝聞爾碧山棲邂逅橋頭送渡溪去與經僧同一  
榻寒燈坐聽五更雞



又

未盈行橐不愁貧己是翛然出世人負笈尋山山幾  
疊北城松雪落衣巾

又

熟誦陳編玩味新窮年兀兀臘回春川流不息終成  
海筆下千言若有神

季父移寓心庵

十年多病卧吾廬秋草園肥不畜驢閒若無人門掩  
後偶然有客鳥啼初掃開積葉通山逕培植寒花護  
石除但使童奴時取適釣竿非為食無魚

秋後鄉思

故國漁樵一夜霜南飛鴻鴈海茫茫人生有限頭初  
白草木何知葉盡黃曾謂優閒一歲在更知迎送九  
秋怱寒砧亂杵喧猶息月色無猜直入牀

秋暝

暝飯鍾聲雨到扉秋燈隱映在書幃圍人暮向田間  
道摘取餘瓠禦夜飢

又

門溪巷僻接溪坡松下茅亭雪裏家老近詩書常少  
睡出無驢馬自成痾月明人語夜深過山靜街鍾卧



後多布被煖餘聊自適生前白髮不須嗟

心庵拈韻

養拙居仍僻詩篇畏著文何須乘月客猶有讀書羣  
宿雪雞棲屋寒星犬吠雲巖松時作籟山靜更多聞

又

獨坐繁雙鬢居然又一春蕭條門掩雪剝啄歲初人  
敢恨寒無褐猶知德有隣悠悠成底事百感更如新

又

冰霜猶舊臘鍾漏欲初春白髮異疇昔青山多故人  
平生吾自斷老去孰為隣眼看兒曹大令名願日新

立春日又疊心庵前韻

歲有歸餘月經旬始入春氣先鳴澗鳥寒淺杖藜人  
宿雪松間逕孤烟鐵冶隣山居知節序盤菜五辛新

洪友汝範 疇咏 賃屋作鄰

吾愛洪夫子清修苦節贖紅顏曾幾日白髮更多年  
老喜移家僻春愁買酒錢昏冥非取適萬事欲成眠

又

卜隣高世士盡日坐如愚知子仁為輔嗟吾德不孤  
無緣住歲月相看一蒼癯舊業詩書裏精神較有無

又



名利平生弊屣遺超然自老鬢成絲分居巷陌常難  
見共對柴門若與期鄰客自來新草迳好禽相語晚  
花枝貧猶不廢畱人酒廚下何須問夕炊

南友伯宗回甲之席遂次前日所贈韻以歸之  
故人華甲至諸子彩衣翩鄉黨知今日壺觴盛是年  
黃花迎節後蒼栢傲霜前却勝同庚友山妻不在筵  
南友回甲日不樂在家往省其先墓觀稼而歸  
人生孤露感頭白更如新且值懸弧夕難為主席人  
秋風吹短褐孤帆載閒身不是無心去出門倍愴神

又

六旬忽爾過銜恤至于今我亦悲回甲君應共此心  
尊疊畱不醉松栢去攀陰寂寞還羈旅荒村聽暮砧

又

扁舟解纜曉霜淒秋水蘆花望欲迷謾說老年收穫  
去誰知睟日舉盃悽斑斕未拂兒莊席酒食難謀婦  
歎閨獨有故人延佇久相逢一笑復城西

退卜南友壽席

怵惕空山霜露哀時維三復蓼莪來忽逢初度驚回  
甲更值喪餘忍把盃入峽籬花秋盡老還家彩舞雪  
初開諸郎養志斯為孝退卜佳辰且莫催



又

孤露人多六十衰斑衣難得老萊來  
劬勞未報窮天淚孺慕何心強  
壽盃琴靜闈門芳醞在庭留蘭玉晚  
筵開知君百祿皆前定尚有餘年未敢催

聞南友子長

紀海

云亾又以前韻題其末

三老同庚一可哀九原誰起子長來  
黃花已失良朋飲白髮空多故里盃  
况爾同堂寧有極楸然醉席欲無開  
今朝頌禱詩三疊且置悲辭樂事催

子長與余同庚及其回甲自峽問病故詩以答

之當在上

龍門山下宅晚作鳴梧居種木皆成老  
誅茅半斲廬三年因廢樂餘淚不觀魚  
遙問親朋病慙慙出峽書

又

鮮民於世太支離六十光陰各自悲  
蔥竹幾年如一日桑弧分夜隔三時  
念君孤露重回甲哀我餘生不舉卮  
九月黃花令弟席寒香折取寄相思

副率兄浩元氏有歸耕之意今秋先省墓湖中  
白髮松楸側黃花有草堂人情懷舊土君子履新霜  
病馬歸程緩賓鴻入海忙與君同作客仍問伯兮康  
同致膺叔曾約兄坐溪亭亭臺頽圯爲之嗟嘆



敬止維桑梓重吟蔽芾詩亭臺易荒廢樹木欲傾危  
肯構爲誰責居人敢自私吾門諸長老相與一嘆嘻

又

遺廟千尋栢蒼然四百年全身種霜雪元氣老雲烟  
正直因天性扶持賴化權錦城何處是苦節古今連

喜蔡友季紹

百休

自鄉過訪

秋來百感欲沉痾鏡裏全輸兩鬢華牆古餘花寒尚  
在門溪落葉掃還多騎驢客渡清溪僻返郭樵歌夕  
照遮偶有尊醪愁獨酌故人邂逅意如何

臘後立春

歲聿將翻欲送窮天心斗柄忽移東春生舊臘猶餘  
雪節早新年可占豐 宮闕恩頒山郡肉村隣時食  
野人慙從今陽盛陰微候花鳥欣榮雨露中

將向嶺南早發銅津

衰年千里役江漢始爲程兩岸行人集中流片棹輕  
宿雲遲見日新店近離城津上看風氣呼舟有遠聲  
天安道中

南征鞍馬幾山川每趁繁霜欲曙天紅日窺峯天有  
際白雲如海野無邊寧親敢說吾身老有弟能爲太  
守賢定識今行多可樂竹林官燭對牀眠



宿茂朱店舍

店婆如舊識迎客夜淡炊暝樹雞棲屋寒星馬立籬  
江流來自大峽勢去猶遲夏問前程遠明朝石磴危  
喚睡亭喚是醒意  
喚睡亭前早喚盃江山一面畫圖開世間誰復亭名  
識閒處尋常鼻有雷

入安邑

匹馬寒行遠獨尋疊岑環邑盡秋陰農成村戶賽神  
曲歲暮官人祭竹林風雪祇應催節候山川夏覺異  
鄉心南來地主惟吾弟為解羈愁一鼓琴

入靈覺洞口

未到招提得好村禪樓如在別乾坤肩輿落日候溪  
水嘶馬寒風向石門路入名區從此去南遊倦跡始  
窮源書生白首官威藉六十嶺頭戒吏喧

又

寺起高麗五百年松蒼石老遠相傳端嚴佛像長垂  
拱虛白燈光不盡懸靈淑南州應獨有流來西域夏  
誰先若將法界論高下海印藏經是傑然

隱身庵

蓬萊曾見隱身臺南國為庵氣脉來道釋奇緣能有



此何人斷髮出塵埃

又

長松落落自成臺突起千尋壁勢開庵上老僧迎客  
語月明仙鶴此徘徊

又

庵前先指一高臺臺下川奔石欲摧行盡玄潭淡不  
見片雲噓送老龍雷

自隱身到長水寺

花林東下即尋真長水禪門自隱身路轉入橋逢錫  
杖巖窮為匯秘神鱗金銀氣色浮層觀茶果芳馨供

上賓行役艱難霜滿鬢山僧禮數媿繽紛

得京書

城上清笳客立壇長安消息待人難書來風雪山南  
路千里猶同一日寒

謾詠

南國投身少弟依天涯難問伯康衣峽雲陰見星三  
影江閣寒通雪四圍入夜雞豚皆寂寞懷山猿鶴更  
依稀真人期獵空豪興多病殊方事或違

又

秋風嶺外一名區近接湖南地盡頭江瀨遠來劇噴



薄竹林閑立自颺颺邊烽警絕山溪縣古蹟碑留水上樓十月橋成賢太守冰雪民無病涉愁

散步橋上有牽牛而過者官僮隨後誤觸之牛幾墮虛

不堪鬱鬱掩重關晚出前橋放杖還誤觸牽牛誰執咎無端老我反招訕倘致怒犇崩短角幾令驚咄覷衰顏始知阮轍窮途是猶有冥棲訪碧山

訪舊宰朴子文師鄉居停

男兒無處不奇緣萍水逢君偶問年何幸同庚生并世祇今相好日隨肩重來地主身居謫遙祝天恩

淚瀉泉我亦殊方悲歲暮月明彈出竹林絃

又

天涯流落白頭梳老木荒村非故居驛路君何三渡嶺秋風我偶一驅驢知應交際久而敬誰道從遊數則踈自恨清貧無志操古人安邑却分猪

觀獵

清晨期獵出江關馬首虞人莽蒼間三渡松橋逢白足半邊烟雪見青山高原犬疾爭先後絕嶺鷹翻倏往還峽俗依然幽朔氣腐儒好作獲禽頌

臺名愁送而退溪先生與葛川往復改以搜勝



搜勝臺名作者誰陶山夫子寄新詩不須飲餞長愁  
別祇可登臨更說奇四郡江山聊復爾二南形勝得  
於斯蒼松亦有龍鱗老緬憶先賢手撫時

訪鄭桐溪末年隱居名曰某里

高山誰可仰至德本無名所以桐溪叟願為某里氓  
虛閑一片土蕭瑟古皇明老與妻兒訣當時死復生

又

自某止於某山淡不知名沒身方有誓晦跡欲無生  
痛哭南城辱悲歌楚戶情十年無曆日花葉驗時氓  
謹次季父寄下詩

身衰猶遠役歲暮苦分離曾抱三春疾幾煩十起思  
江聲驅馬曉嶽色送人時珍重臨岐語南征為忘飢

謹次三淵先生與郭斯文韻

鶴洞詩畱七十年淵翁郭老不期緣先生高躅雲歸  
遠處士遺墟水在前却恨當時未擎杖悵然今日遂  
成仙春來更趁桃花浪夢入漁舟古驛邊

立春

今朝天氣改歸客早開帷北雪將何似南春忽在斯  
鳥飛憐竹色人語祝門楣抱瑟青娥至新粧動畫眉  
登光風樓



名樓一面畫圖疑雲在江心坐故遲灘日紅翻官渡  
碣竹林青映古人祠騎牛客醉村童及驅馬人豪獵  
狗持欲識登臨真氣像風清月白與為期

新春

遙唱隣雞夢裏翻城頭畫閣早開門灘聲忽厲風何  
自峽氣將晨雪欲昏餞歲鴉啼餘古木迎春巫鼓起  
前村久看嶺嶠陰晴候節序儒宮近致膳

客中遇室忌念釋子將事

故妻亾日至孤客竊傷悲不病身如痛他鄉懷可知  
孩提曾愛母拜跪即佳兒差足慰泉下三杯饗在斯

李君佐

漢昭

自俗離來訪又往江陽行色甚忙

萍水奇緣嶺盡頭南來無處不清遊只應三日還相  
見其奈殊方送別愁春雪半消行識路夕陽猶在獨  
登樓歸將有事西疇下未挽荆門去飯牛

散步江岸忽有春雪

環邑皆山松竹鄰吏民猶似得清真江聲透峽通官  
政南俗為旗送痘神古渡橋成虹飲巷雲沙釣罷鷺  
如人登樓恍惚逢仙子山外窺峯冒雪身

元宵出官橋看月

春風先得縣門槐雪盡平沙緩踏迴千里隨人明月



在雙橋臨水彩虹開每年佳節非稀有此夜他鄉似  
始來為問清光勝前歲洛城回首一停杯

送家姪先歸省親

客日還如夢天涯送迎起居同一室骨肉倍常情  
鞍馬春生峽松篁雪盡程先歸猶有勝喜溢拜吾兄

客中謾詠

白首胡為羈旅身高樓吟望易傷神雪山競出咸陽  
道江樹遙迎古縣春客日縱多猶恨速詩篇自富不  
忘貧江山信美非吾有歲聿天涯又一新

又

二月雲霞未蔚興三山花信問歸僧春衣纔到嶺南  
界峽氣還成雨木冰路指長橋宜走馬天陰曠野欲  
呼鷹出門嘯傲客天放歸去洛城無此能

又

縹渺樓臨邑里傾春星鼓角勢相爭橫來峽水常疑  
雨獨立庭槐時一鳴多病殊方難適意倦遊經歲竟  
何成盈囊猶有詩千首山水多兼送別情

又

布穀聲催節序知異鄉霜鬢為誰欺庭除細草新添  
色籬落桃花寒動枝自愛登樓攜妓早偶因臨水送



人遲客遊無日非閒事僧去青山更說期

又

地僻居人早種麻清明節過未還家縱非邊塞猶千里安得洛陽看百花缺月高懸臨水驛客愁多在閉門笳有時忘却他鄉滯少弟松間日共哦

又

時自不平詩以鳴詩成豈肯世人驚非吾浪跡歸無婦寄弟專城倍憶兄夜火孤村回岸勢春星喬木聽江聲身衰羈旅終無賴強許佳人錦瑟橫

登樓逢鄭一蠹後孫

人自渭城柳色淡名樓繫馬一登臨後來詩酒空懷古太守絃歌偶在今畫棟飛騰當瀨影蒼槐濃鬱半江心扁舟欲放雙娥起喜浪跳魚翠袖侵

同地主拈韻

賴君遊宦失家貧知我南來是逸民白髮無緣回少日殊鄉從古滯歸人晚雞遙唱新晴候畫鵠高懸芳草春官廩買舟漁釣社綠簔時拂峽江濱

又

牒訴來時少好顏官樓盡日看青山自持冰檠臨民操何患儲胥戢吏頑槐柳日斜簾幕外琴樽人在畫



圖間三盃紅露仍懷古一蠹高風悵未攀

太守勞農

今之太守古田峻食我農夫老柳堤野色初圓種稻  
後夕陽猶在輟耕西濁醪兩缶黃牛背畫角三聲白  
馬蹄爭道夏畦民起病恩深地主與天齊

觀漲

扁舟去入野人家浩蕩江流一夜多白日灘聲爭急  
瀑蒼崖樓勢似乘槎漁童摘葉能吹笛浣女停砧亦  
善歌孤客登臨望如海晴空山出碧嵯峨

又

危樓百尺野無邊山色江聲倚檻前峽水游魚通藥  
圃官家叢竹入民田半邊疎雨橫生壑一片斜陽遠  
在船知是山村漂麥客驅牛怱急渡長川

邑中

江流清一曲太守聽漁歌土性元宜麥民居半是麻  
女工鳴杼急吏退讀書多公稅有期限官威或叱呵

觀魚

高樓有客一觀魚水暖春江四月初漁子網收喧  
曲使君酒熟自官居岸花宿雨紅侵屨渚柳新晴綠  
染裾暇日偶然濠濮興扁舟更欲載琴書



樓上觀燈

脩竹千竿錯落珠高樓一面遠通衢長繩引上懸踈  
密綠樹陰濃影有無光景却非山縣俗歌謠還似洛  
陽途殊方久客驚今夕城邑俄然入畫圖

同舊宰入長水寺

故人騎馬碧雲間花燄朝來春滿山石立老禪皆可  
拜松盤圓蓋叟堪攀龍湫半黑魚難見佛殿常陰鳥  
不還草坐蘿衣真物外何須羽化入仙關

光風樓夜坐

暝色涼生隔樹家高樓散坐起城笳山圍野勢平如

滿月送江流遠叟多客子但知題水石使君猶欲盛  
絃歌獨無一片小漁艇下繫垂楊漾綠波

安邑端陽

村隣自起千炊烟打麥聲高日抵年客子殊鄉驚節  
序女娘淡院送秋千潭連竹翠涵難定牆濕榴花色  
叟鮮每遇佳辰歸思急百壺那得酒如泉

重修樓閣新作漁舟

使君爲弟此淹留松桂中間每勝遊浣女爭瞻新畫  
閣峽童初說小漁舟江流日月南來久山合風烟北  
望愁猶有故人同酒食白頭還復少時謀



又

鳴琴三疊在樓東  
午睡初醒戶牖風  
松雨濕入僧氣  
碧榴花落地  
妓裙紅閒庭  
散入雞兒小  
晚圍飛來蝶  
舞同明日  
觀魚期野客  
新晴馬踏水聲中

七夕後日

邑近青山喧鼓笳  
吏趨門巷早開衙  
風吹脩竹抽孫  
大露浥垂榴結子  
多古井碧梧零一  
葉清江紅蓼有  
餘花蒼茫銀漢前  
宵事烏鵲啼饑隔  
水家

又

殊鄉卧病識佳辰  
濠濮期留渭北津  
路入草間初馬

足風行水上  
盡龍鱗漁羣舉網  
皆官吏峽妓提壺  
宛野人人說三農  
巫祝好今年應亦  
得魚頻

再入尋真洞

禪門遙望盡雲嵐  
近八猶疑山北南  
捍洞埃人神鬼  
面大巖依木  
辟蘿髯老僧掃石  
知吾再獨鳥窺林  
喚客三欲識尋真  
奇爽處長松五月  
下澄潭

龍湫

睡龍蟠屈是名區  
飛瀑隱雷噴薄珠  
視日松巔占早  
晚老僧趺坐石  
蒼癯

乘月上橋



心齋詩集  
風雨羈愁嶺以南對牀聯袂棣華湛橋頭月出光圓  
大沙上人來影二三露白浣紗江北里夜涼浮磬樹  
邊庵陰晴屢幻長爲客親近漁農有味談

舊宰居停

逢君何日不歡然臨水登山與後先未信童時非故  
舊誰知老境有奇緣謫居更近三仙洞浪跡猶依一  
弟賢同是天涯流落恨夜溪江閣動朱絃

簡禹老

百年地僻入松蘿秋色柴門短犢車酒熟尋常分道  
士詩成時或語村婆傳家經籍青氈在種樹庭除朱

寶多一笑兒孫牀下退荆園曉雨鹿鳴歌

中元上官橋

漠漠彌空雨晴來峽水源天應憐一夜月亦待中元  
禾稼新秋望風謠小邑喧懸燈歸處僻樓在竹林園

黃山訪慎處士幽居

搜勝臺邊慎氏居臺名改自退翁書後人尚慕先生  
意六十年霜一草廬

又

漠漠高山訪隱淪白雲雞犬少村鄰客來能不題凡  
鳥童子出言有主人



送家弟省掃先墓

松楸省掃去留情官閣秋高聽雨聲五馬先行有是  
弟老牛難動媿為兄履霜怵惕空違跡薦豆芳馨或  
盡誠別後閉門成獨卧燈前歷歷海山程

又

乞暇湖山簿牒違公門無事野人扉秋風未足黃花  
綻亂雪初隨落葉飛峽日蒼寒頻遞候暝灘橫瀉決  
重圍還羞浪跡同羈此老我元非喜嚙肥

復簡禹老

秋光無限見雲沙江上高樓有落霞千里遊人猶作

客一年叢菊自開花霜晴旭日啼鴉熟稅後平原放  
馬多悵望縣西人不見閉門黃葉讀書家

再入猿鶴洞

三洞重來九月初猿山駐馬鶴潭漁讀書君子慎家  
世肯構賢孫林氏居倉庫舊儲餘邑址人烟落日盛  
村閭滌愁搜勝兩巖石壁立千尋名不虛

又

公庭吏退鳥飛還晚角餘音竹樹間衰白人猶輕世  
志真黃花自傲霜顏殊鄉萬事依吾弟歸夢三年半  
故山皎皎白駒時獨詠龜淵祠下識荆關



贈慎老

有弟爲安邑得人如滅明十年常慕義千里獨聞名  
邂逅黃花夕慙慙白髮情知君多至樂同我有賢兄  
買鷹手陳

疾似離弦矢羽毛半紫青天風投嶺木霜月渡滄溟  
飢飽依人熟英豪爲物霧寒宵不耐久一掣五更鈴

葛川慈怡堂小樓

伯仲之賢重一鄉百年相對讀書牀先生沒後祭於  
社客子初來登此堂老木庭空猶有蔭寒花古砌自  
多香月城茅屋長鄰近時送青衿講誦洋

仲秋八龍門書院

秋淡禾稼似荒廬古廟丹青宛在湖一蠹安靈應勝  
地桐溪並享又名區鶴巢老木多懸癭攢卧踈籬欲  
斷壺碑下有泉新盥嗽一盃那得薦清醑

禹老宅與舊宰拈韻

村馬小如狗借騎舊使君濁醪隨量飲湯餅有餘分  
始信鄉風厚誰成此會勤不須童稚日猶作老年羣  
又

令人消鄙吝嗟爾事天君有會當淡座無書不細分  
何曾名利思多見實行勤自在漁樵隱元非鳥獸羣



觀獵

早放豪鷹脩竹園馬頭山出繞平原羽毛忽失衝天  
勢霜雪翻看落地痕一隊兒童奔競捷急風鳥雀寂  
無喧書生遊獵畱餘興日暮歸尋有酒村

又

鷹睨秋原路不迷半酣呼犬下樓梯飄揚片雪歸鴉  
背超出孤霞老鷺齊樵子亂山虛指顧虞人曠野失  
東西不知逸翮從何處鈴掣寒聲鬪馬蹄

失鷹

暮騎田間道先行兩歇驕雉驚透草莽鷹掣直雲霄

愛若千金有輕同一羽飄暗飛看不見何處宿霜條

又

饑飽隨時適鞦韆日夜親奮飛非在爾虛發是由人  
無奈蒼茫暮焉能搏擊神明朝應白錦霜濯羽毛新

月夜散步因訪禹老

步月松橋渡石砭流澌一帶繞長江風高茅店寒侵  
馬雪壓柴關夜吠狔偶使青僮橫笛一更邀紅妓抱  
琴雙歸來欲訪田間老耕稼遺安子是龐

次禹老謝東閣韻

松竹蒼蒼岸新泉晚結廬中身棄名利白首抱清疎



尚看詩書近何論日月除居然鄉黨敬養德本非虛

歲除

南國如何久滯身天涯再見臘梅嘖極憐歲盡無餘  
日猶似春歸待故人酒熟屠蘇澆客思烟飛爆竹送  
窮神長安古俗同千里燈火樗蒲下邑民

主人以公事往隣邑獨坐守歲

纔說隣氓訟獄情早飛官蓋莽蒼程忽逢一歲新交  
舊同在殊方弟遠兄忘却身為嶺嶠客依然雞唱漢  
陽城古人先獲今宵意旅館寒燈鬢獨明

黃山慎老入於巡相薦聞

六十年淡木石居豢菊行義飯茹蔬使君不有歸旬  
伯南道無人處土廬

亾室忌日

腹悲回是日乳下亦成人京北兒思父嶠南夜向晨  
家貧如不祭地遠暗傷神契闊平生語居然二十春

黃巖春享

睢陽雙廟貌蕭瑟此孤城一劍三人義千秋烈士名  
成仁皆子女視死若平生血食惟崇報縣官歲供牲  
簡禹老

昔疾今瘳未天時近踏青出君雙竹杖同我百花汀



識面曾何日論心此暮齡文章老猶壯寶劍發新硎

又

歲有歸餘月春多節候違僧猶穿積雪人不換寒衣  
紅着花心少青藏草色微行應逢穀雨馬首入芳菲

禹老有詩為別和其韻以歸

栖栖迷歲月旅食是何方少弟絃歌縣忠臣俎豆場  
依然處仁里猶得挹清馨獨有難相送隣翁別語長

久阻京信

羈愁難得一顏開向晚扶藜步石苔峽水波清心澈  
底京書路闊夢多猜登高強欲看花去不飲猶為沽

酒來寄語殊鄉流落客青春作伴後先迴

和地主題詩三洞花信狀

歲有歸餘春事遲山中花燄定何時民訴日斜喧不  
息二松庭畔一僧奇

送春

百鳥啼何已東皇代序辰依然如舊臘安得住餘春  
宿雨花飛峽新晴草暎茵寥寥先告別悵悵未歸人

樓上

倚杖江平遠登樓山四低青圍種麥地紅重濕花堤  
遠勢開清渭奇峯出會稽草行牛馬小如遺夢中迷



又

浪跡元非南北愁江湖鳧鴈一悠悠每因病起扶藜  
出遂得閑來載酒遊村遠牛羊知故道月明童稚鬧  
虛舟三年為客還豪放一語何曾產業謀

又

官閣槐陰四月涼短簾碁散風吹牀隱雷不識何山  
雨獨鳥遙來半夕陽蠶妾貪桑多上木圃奴種菜少  
虛場村鄰又見秋千動人在殊方節序忙

惟勤堂族祖僻居湖海事親至孝州閩舉之朝  
朝聞於上即祚之十有四年特命以栢府官

贈之寶異恩也一門感祝榮極而哀謹次季氏  
文原韻以歸焉

晨昏有暇讀書遲洞屬其心處自卑常恐不如曾閔  
孝老猶靡懈聖賢思州閩人舉平生說宗黨吾先異  
行知栢府華啣榮梓里君恩遠及九原遺

曾自洞陰歷訪成子郊庄有詩篇追記書寄  
野土柴荆半澗阿白雲歸騎見黃花迎人玉貌初移  
榻擲地金聲自滿家不道田間無夜食纔休霜後有  
農車一從解紱治場圃烹栗蒸瓜侑酒多

至夜看梅



梅與人同歲暮愁一花猶及閉關宵春光早晚山翁力獨未繁霜兩鬢消

復入安邑得琴字

弟爲仙太守邑號是安陰白首重來客華堂舊聽琴官僮好顏色鄉老故人心觀獵前遊地峇嶢雪滿岑別江陽權生哲性

十年京邸倦遊賓邂逅殊鄉老更貧弊褐猶看鄒魯士白頭相送洛陽人歌聲不斷離筵曲歲色將翻臘雪新曾讀五車書不用山田何處去耕春

次禹院長韻志感餞歲

掣臂豪鷹鬪雪驄雪山遊獵去年冬屠蘇忽復嶠南熟爆竹依然漢北同畫角春聲回夜半江樓雞唱杳雲中鄉鄰亦有看衰盛卷席叩盆八十翁

又

詩壇病卧每經旬省壽顏光尚駐春亂插彩花回卷夕忽翻歌曲叩盆新古琴在御誰同和素幔垂堂獨愴神老作鰥悲猶寄矣中年有此哭妻人

亾室忌日

送君山壤側寄我世人間晚食誰能勸秋衣缺禦寒居然一癯廢重以最窮鰥未暇悲先死胡爲老涕潛



復占烽字以要和

山縣何曾見海烽春來民業豆腐農孤燈始識他鄉  
夜暮角猶疑長樂鍾朱紱官閒多愛竹白雲僧老不  
離松時沾細雨庭除足午睡將交草色濃

登官後麓

倚杖臨平野荒臺舊有亭牛鳴春水白鷺立稻苗青  
媿女兼樵采傭夫盡壯丁山頭官設祭叢木本稱靈  
觀鄉人飲酒爲樂蓋有白護軍黃富人

百花時節野翁狂酒食遊嬉較短長起舞蹲蹲護軍  
白誇錢得得富人黃懸鶉鼓瑟瞠諸客賣卜能歌噤

小娘爛熳天真斯可見偶然老我亦同觴

燈夕登花鶴樓

浪跡寄人不自由嶠南三洞是名區上元踏雪三年  
客燈夕攜尊四月樓綠竹橫空爭峽出紅珠倒影漾  
江流依然光景長安近錦瑟啁啾夢裏遊

橋上

太守爲橋百丈餘飛虹飲水落村閭何須步月新春  
後正好觀燈孟夏初平闊無虞容駟馬登臨絕勝坐  
高車客來官渡如行陸不喚扁舟載小驢

與二三子入尋真洞



東行山色雨過先碧寺岩嶢入洞天透峽灘聲當走馬斷崖石立訝癯禪巖松不是塵中物雲磬仍成世外緣夜久泠泠渾失眠嶺頭引水枕邊泉

龍湫觀瀑

水自何邊日夜懸重回飛瀑亂山穿橫來半壁虹翻壑急勢投潭玉碎田盡倒松杉棲鶻竦常喧雷雨老龍眠庵僧一笑迎人語如此奇觀不用錢

登禪樓

寂寂尋真洞春淡古寺前樓臺中匝地草樹上齊天禮佛焚香夕崇師斷髮年威儀三代是飯磬一冷然

琴軒次主人韻

使君不開印野客自來時暑氣看雲度琴心聽雨遲樽清松入釀筆落柿題詩環邑無長物江山畫裏奇

又

三年為客恨一是思歸時心與江河湊身隨日月遲親朋如隔世稚子未聞詩窮老元吾分流離柰此奇

又

竹林朝日石榴花吏獻官廚早種瓜不恨殊鄉長旅食自從衰相厭京華羣娥作隊雙調瑟大野皆青四有歌擲地金聲能濯熱喜君題詠得詩多



登樓次使君韻

樓高縹渺峽江潯未到危欄風入襟晴月有期今夜  
好白雲無碍古槐陰牧童善水如行馬野叟長漁不  
散禽勝處翻思少壯日羈愁霜鬢一何侵

又

才疎計拙不為家書劍無成謾更嗟昔自少年頻酌  
酒時維三月欲迷花漁樵入峽孤舟在雲水藹竿一  
老皤早識天公賦窮相考槃寧學碩人邁

自有遺稿詩抄上

自有遺稿詩抄目錄下

詩

六月十五日 二首

自遣 三首

花林洞裏觀竹簾登魚

農家見牛喘 二首

官閣拈韻

六月二十五日伏聞 邦慶謹伸微忱

主倅約會丹邱宰同行 三首

次主倅喚睡亭韻



禹老寄來和杜詩次其韻以歸

拈唐人韻

巡使宿安邑光風樓 二首

重陽不可以風追後登高 三首

聞兒子改莎母山

南至前夕

上元次地主韻以歸渭城 二首

禹院長寄詩道離合之思次韻以歸

季父宅賦梅三冬三度開

偶有小會得來字

和朴友永叔送清道之任韻

李仲善持被隣司

李友新自南州歸

重陽同李太素 尚履 閱工部 垠 登高 二首

寧寢郎丈以官為名身閑多暇 二首

次 寧寢郎寄示北洞諸老韻 二首

雪中同諸老訪李太素小酒

又次 寧齋寄下韻

季父宅邂逅李子伋 二首

訪洪德以 樂顯 書軒



題南楊口漢叟古宅以與其胤子 二首

吟寄南友伯宗

南友宅與洪厓子德以呼韻

南友分梅於季父宅

園 幸還宮日弛禁

上元看月

訪竹林寺聞僧病徑還

登門樓

贈蔣生

送春前日

遣客愁

客中追記少年觀燈詩

入竹林寺

南衙送著妻再暮

向晚拈韻 二首

靈覺僧贊昨來見而歸

三弟任所先奉伯氏還京第

清道郡齋 二首

馴雞

聽雞



六鰲軒遇旅隱處士李君佐 二首

郡齋賞蓮 二首

登岸望竹寺步下野亭

秋夕前日

九月初日登西門

清州客館聞於故吏

登樓開罇

贈花林人新寔

客中餞歲病後追記

登樓

憫旱

掛佛 六首

喜雨過後 二首

秋坐

三弟任所逢亾季回甲晬辰

偶吟得廬字 二首

臨歸

遣懷時在南州

觀太守點兵

病中聽雞 二首



寧親嶺邑

行中 六首

臨發 二首

序

送蔡季紹宰松禾序

送松園族叔隨伯氏判樞公赴燕序

祭文

祭三從弟侍郎 應淳文

祭季母竹山安氏文

祭清州從兄文 代作

祭季子婦俞氏文

哀辭

李教官彥忠哀辭

族姪亨根哀辭

八灘南公 肅寬 哀辭

南楊口 紀雲 哀辭

記

唐城金中軍世輔去思碑後記



Blank writing area with vertical lines.

自有遺稿詩抄下

詩

六月十五日

黑雲南國每遲留赤日翻生欲喘牛執熱何時非濯  
足一年今夜始流頭空牆竹色涼含砌圓沼荷花影  
入樓冰錯玉壺聊滌暑百杯頻問折花籌

又

遠遊能得一區專信美江山不用錢賣酒壚開青草  
口趁虛橋比白衣肩登樓客自鳴琴坐近水牛猶帶  
雨眠醉後不禁濠濮想柳邊誰喚小漁船



自遣

曾謂男兒有所娛百無肖似一何愚少而失學居人  
下老未讀書向室隅農歇卧牛長帶犢草淡駑馬反  
如駒親朋零落知多少悲到詩成只將鬚

又

浮生棲屑為誰憐江漢思歸及暮年積雨江清初浴  
鷺遙村日照亂鳴蟬烟霞僧去三仙洞蕎麥人耕舊  
廢田客裏詩篇還漫浪尋常博奕比猶賢

又

人言步履捷於童臨水登山媿此翁秋序欲生三伏

內夏炎猶在一年中淵淵伐鼓民同力秩秩揮鋤野  
有豐里社瓦樽何日是草間撩亂早鳴虫

花林洞裏觀竹簾登魚

不用臨淵細網繩觀漁直欲竹簾憑曾聞巨壑乘流  
下初見銀鱗逆水登緣木求魚今有術騰盤如雪古  
來稱江湖老叟皆惆悵釣艇烟蓑未此能

農家見牛喘

牛喘自來飲有水柴門側主人呼僮言饋牛青熟麥  
既歸復耕田汗滴田中石春夏勤服力秋來賣筋角  
豈直成農功桃林與卽墨



又

屠門自古開匪為藏俠豪祭天用繭栗 聖廟薦太  
牢犁子而駢角山川其舍諸祀典潔俎豆讌享豐有  
餘所以君子心常思遠庖歟

官閣拈韻

峽裏歌謠獨二天山岷何處不安塵高園綠竹常瞻  
後清水芙蓉忽在前鴈鷺訟庭留鹿躅牛羊草逕入  
龍眠南來卧閣惟君在山野清真百里專

六月二十五日伏聞 邦慶謹伸微忱

誕降九重瑞 元良八域榮矧今庚戌歲自古 聖

人生天地歡欣夕臣民舞蹈情黃河千萬丈應為海

東清

主倅約會丹邱宰同行上京而余猶客安邑

主人留客夜連牀皂蓋浮來赤壁涼知我三年猶嶺  
嶠逢君一笑便吾鄉宦遊此日先歸思浪跡登樓送  
夕陽霜後身同南菊老故園心與北雲忙

又

六十嶺頭上幾層肩輿歇處謝山僧長程賴有如兄  
弟斯世元來少友朋雨店雞鳴相喚睡松籬馬齧共  
懸燈百年同閑會無此千里附騏獨未能



又

只羞華髮照清觴未解嬌歌惱客腸落日蒼然山一  
半高樓宛在水中央稻粱野入黃雲遍蕎麥峽多白  
雪粧晚罷離筵還有鬧寒砧里巷擣衣裳

次主倅喚睡亭韻

久聞紫霞勝曾見一名區水繞山開邑農成野有謳  
官盤紅上柿村樹碧含榴即此堪棲隱何須戀大州

禹老寄來和杜詩次其韻以歸

喬木秋高風自哀葉隨鴻鴈一飛迴故人鄰社寒相  
念多病荆柴掩不來白髮還輕早霜候黃花猶近異

鄉臺重陽獨酌悲今昔杜老何緣共把盃

拈唐人韻

三洞尋真花鶴猿名區無處不窮源登樓暇日琴隨  
客命妓為歌酒滿樽急雨過山齋驛樹斜陽入壑越  
江村橋頭可惜前秋水夜拔漁舟繫柳根

巡使宿安邑光風樓

藩臣有守繫匏同邦慶無彊起甕聾忽似 聖恩時  
賜暇歷巡南服好觀風笙歌燈燭悅如夢星漢樓臺  
杳在空沛澤知應民肉骨祈天惟願屢年豐

又



太守居爲刺使堂秋清行部淺淡觴樓頭鼓角衝江  
霧旗面龍蛇宿夜霜風韻自歸山水勝詩篇不廢簿  
書忙欲知七十州迎送可愛非民祝 聖康

重陽不可以風追後登高因訪禹老少話

登高九日後故事不須違山木皆黃葉秋人獨白衣  
爲言同野酌相顧下荆扉更值隱栖老論詩薄暮歸

又

山人淨掃洒清坐但翛然客到供茶果兒來請簡篇  
林紅稀晚柿霜白曬餘綿回首歸來處山寒草屋烟  
又

慣識蒼崖逕柴門半薜蘿羈人循短髮秋草惜餘花  
夕照明猶遠風霜降已多白頭倘有戀歸夢更誰家  
聞兒子改莎母山不待新春及此繁霜蓋以其  
情甚急云

荒隧崩頽過客傷中心怵惕幾年藏翻莎每以清明  
雨負土何爲十月霜縱似玄扃覩旌翼猶非白日再  
衣裳至誠共展完瑩域乳下孩提有許長

南至前夕

煮豆青烟和夕炊南鄉南至又如期天明過雨山凝  
雪野曠危橋水漲漸峽俗蒼茫知令節古人寂寞有



遺祠一陽暗與春生近三唱鄰雞坐故遲

上元次地主韻以歸渭城

官渡橋長歲復新異鄉候月上元春冥濛雪意因成  
雨虛白峯頭未透雲清渭使君無信息佳辰起我有  
何人停盃欲問來差晚夜度三更一氣神

又

數盡棲鴉帶暝迴尚疑嘶馬繫門槐驛程雨與春先  
動渭水人同月不來詩到落梅如惜別歌成進酒欲  
生哀夜深燈燭交輝暎出峽江聲遠送雷

禹院長寄詩道離合之思次其韻以歸

地以山河關天將斗柄移如何垂老別更作暮年思  
倦客雲同返高人鶴與依詩來千里健猶爲白頭悲

季父宅賦梅三冬三度開

枯木圍霜雪自然歲暮華何須十二月已見再三花  
開落差先早清踈較更多今年頗有異護養得無加  
偶有小會得來字

巷僻門深早自開小驢風雨待人來不知一歲將過  
半即看三庚已復回返照榴花紅似錦曲牆松氣碧  
成苔只堪既醉頻呼酒酒後無詩有罰杯

和朴友永叔送清道之任韻



去年南邑賦歸安今日還為嶺嶠官郡縣分憂皆一路後先優養即同歡民風鶴洞歌猶在儒化鰲軒琴自彈寄語親朋休惜別洛城攜酒重相看

李仲善持被隣司十年不見有詩寄之

曾餞西關出宰行中年南國屢專城聞君白髮異疇昔知我青山非遠程窮巷抱書誰晦跡公門束帶或逃名鳴蟬晚入蒼槐岸聲在高人几案清

李友新自南州歸歸橐蕭然不得傳食於直中鬢毛衰白已全非心事寬閒不自違郡紱隨緣朱鳥遍京司儼直碧山依曾為州牧安疏糲不與俗流恥

惡衣西郭歸時停騎馬開樽林色雨霏微

重陽日同李太素尚履閱工部堪氏登高

歲值歸餘月秋風早八臯白衣能送酒黃菊欲登高起我衰年興知君少日豪公門猶有暇工部樂為曹

又

忽爾驢鳴澗依然鶴立臯清歸松石韻暢似竹樓高野客郎潛倦隣翁老病豪斜陽憑遠矚車馬盛衙曹寧寢郎丈以官為名身閑多暇數與故舊為黃花飲其視宰邑者久於他鄉而不能歸則遠矣分憂南北苦低垂家在京城不敢窺九月寒花人盡



醉荒江嘶馬客歸遲誰言 仙寢為官去若有山房  
負笈期雲白松蒼先入望拜 陵何似上丹墀

又

園陵多落葉客意易悲秋石出寒江湧月高斷岸浮  
盤飧從淡泊几席得清幽京北猶回首鳴琴在澗樓

次

寧寢郎寄示北洞諸老韻

歲寒方得一身藏松柏喬山九品郎自與漁樵閒世  
界寧知軒冕熱心腸敬瞻象設天時暮讀罷麟經燭  
淚長隣近孤忠常拱北老臣祠屋立荒涼

又

天降 寧王大任身吾家節義兩名臣後人豈敢忘  
先祖曠世猶知慕 聖君白塔江聲奔鴨水蒼梧暮  
色結燕雲送君洒掃為郎職皓首悲歌獨此民

雪中同諸老訪李太素小酒

處士門淡雪壓松梅兄何似去年容一城非遠常間  
阻同閑無時數過從白髮微醺還少壯朱絃欲動任  
衰慵斜陽忽復黃昏近巾服蒼然易犯鍾

又次 寧齋寄下韻

齋官白首布衣寬為客黃驪歲已闌清漢帆檣三月  
斷 仙陵松柏四時寒明年形役應無定今日栖遲



孰與安麋鹿為羣非遯世晚懷微祿江湖干

季父宅邂逅李子偃

微吟山屐渡溪沙松石庭除亦我家病席元來迎客  
少梅花一笑向君多恨無明月留終夕縱有清樽誰  
為歌回首十年詩社閉城陰不復並騎驟

又

寒梅開落幾多時手把青枝意欲遲忽復雪朝相邂  
逅依然神會兩襟期貧家斗酒吾無婦退食金門子  
有詩詩送臘殘應滿篋溪樓明燭一聽奇

訪洪德以

樂顯書軒

訪君山下宅步自雪溪濱僻巷通三面入門比四鄰  
終南無遠近落日有精神庭畔翠梧竹翩然見貳身

題南楊口漢叟古宅以與其胤子

君居嶽麓老晴霞世有名區教子多病客重來鄰笛  
淚寒梅猶作昔年花曾開門逕仍無改素蓄圖書整  
不斜倚杖惘然成獨立舊情嘉爾克稱家

又

古梅君所愛今見似元賓移自龍門僻轉成龜甲真  
中分一植立橫出兩枝新寂寞花無語遙辭舊主人

吟寄南友伯宗



華嶽岩嶢若可攀  
臨溪石砌小柴關  
窮途不有君同  
閉積雪應無我  
出山少日風流多  
浪跡暮年氣意見  
蒼顏寒梅一樹花  
如霰分與隣翁亦等閒

南友宅與洪厓子德以呼韻

同巷多相待出門任所如  
山廚炭有肉江市雪無魚  
詩語新春近尊醪舊臘餘  
衝泥宜弊屐緩步本當車  
南友分梅於季父宅供老玩賞詩以謝之

遠香穿巷雪清韻及隣家  
一樹真如玉千金不易花  
居移元氣蓄養得幾枝  
斜從此芝蘭室山翁自有誇  
園 幸還宮日先降上元弛禁之 命

百里園陵路更迢  
春回烟月野寒消  
佳辰漸近行宮夕  
恩綽初宣返蹕朝  
圓魄窺空先指點  
清輝滿地起歌謠  
欣聽管籥瞻天近  
雙闕中開十二橋

上元看月

冰輪近人大玉露皎沾衣  
河漢難分影烏鴉不見飛  
豈無他夜滿猶惜此遊稀  
橋上重回首年年莫我違  
訪竹林寺聞僧病徑還

蒼蒼竹林寺朝暮郡齋間  
未到先遐思行尋得少閒  
候人臨石逕拄杖望春山  
聞說僧多病花開晝掩關  
登門樓



彩閣臨迢絕春城日在西樹高猶脚下山遠與眉齊  
白見川流大青圍野麥低孤危難久立祇許暝禽棲

贈蔣生

有是鄒鄉士嗟君漢將孫于今見白面從古為青門  
弊褐春猶薄翳桑老更繁平生多落拓書劍卧荒村

送春前日

倚杖蒼崖脩竹林東風吹入落花潭春城畫閣流霞  
氣酒肆青帘裊客心日見孤雲歸漢北不禁芳草遍  
江南佳人錦瑟元無分獨聽殊方啼百禽

遣客愁

郡閣迷遐矚春園倚杖遲竹荒通馬櫪松老得雞埒  
倉糶窮民喜山花古墓悲清明知己過風雨暗多時

客中追記少年觀燈詩

今年燈夕點衰盛綠樹翻紅影幾層天上遙分斗牛  
宿人間初轍庶民星三千大界開花遍八百連營列  
炬停光景須臾驚眼目依然醉夢似新醒

入竹林寺

竹林連古寺半入白雲浮過客炊巖上居僧採木頭  
山溪樵牧響春晚杜鵑愁理屐何須遠禪門是別區  
南衙送著妻再暮



心庸世積  
生既遠兄弟死猶寄異鄉稚兒號屏燭君子奠芬芳  
倏忽三年制蕭條一日傷不忘惟淑德尊舅淚盈眶

向晚拈韻

郡府依城郭門臨五百家庭隅來竹色牆面落藤花  
食麥飢民散趁虛晚訟多樓頭回夕景烟際牧童歌

又

臨水登山不用車異鄉還惜出無驢身窮自媿新通  
姓年老猶言舊讀書京國思歸千里夢江湖爲客一  
游魚農人既夕皆村巷牛背青菊野色儲

靈覺僧贊昨來見而歸

空門萬事斷情緣何意浮雲嶺嶠邊寂寂虛無人世  
外金爐猶有未消烟

三弟任所先奉伯氏還京第

卯君相與陟高岡攀送行塵我伯康猶有病兄歸不  
得依然賓主作殊鄉

清道郡齋

廿年三度遠來尋嶺嶠風謠異古今畫角門深朝日  
暝綠槐陰鬱露蟬吟新凉乍入登樓席舊病將回買  
峽夢自信主人是吾弟便宜旅息截歸心

又



心齋世稿  
嶠南長物是長腰京北幾人未飯朝衰病祇堪常愛  
睡老農猶學善吹簫夕陽鷺立僧歸寺山雨牛來客  
渡橋纔過三庚占秋熟稻花漠漠野初遙

馴雞

開戶眾雞啄庭除散米初林禽下投地躍躍食其餘

聽雞

搏翼回長夜時雞起病人猶非風雨晦還憶雪霜晨  
野屋鳴應早山簷聽更新末音方達曙靈鵲亦精神  
六鰲軒遇旅隱處士李君佐

棲棲弊褐不爲高窮處猶看少日豪又值秋風生馬

首應忘世事似牛毛黃金歸客嶠南路白酒迎人楓  
菊臯折贈蓮花惟老我臨池戲墨肯辭勞

又

白頭羈旅誰爲羣京國天涯斷問聞多病一年常廢  
酒逢君今日始論文重峯虹截雷驅雨碧樹蟬號日  
漏雲時有清簫吹送客不須離合涕繽紛

郡齋賞蓮

官府潭潭太守居荷花淡處水平除風來翠葉交如  
密露浥紅葩列亦踈影動月光清四座香侵夜氣淨  
羣書天然獨立超泥滓猶有花間活潑魚



又

奇姿卓越百花中出自淤泥造化工  
仙女淑粧開鏡面玉簪新墜立秋空  
綠雲翠蓋難禁雨碎珮跳珠不耐風  
千載何人能愛此三更坐獨想濂翁

登岸望竹寺步下野亭

諸天不遠白雲淡朝暮鍾鳴斷杵砧  
野婦拾綿成一隊山僧撒圃缺秋陰  
已經積雨稻稈暎欲降微霜草樹森  
向晚客愁時曳杖出門臨水摠歸心

秋夕前日

園木葉踈晚集鳴石階苔皴早藏蛇  
官樓吹角時來

客村戶懸匏不斷花節序傷心寡婦哭  
田園得意牧童歌出門秋色分高下  
近峽先霜野雨多

九月初日登西門

無賴殊方為客愁登臨九月郡西樓  
日斜古渡幾停馬秋熟黃雲不辨牛  
野老乘晴能遠出村娘多暇或長謳  
蒼崖水匯游魚出一隊從容可數頭

清州客館聞於故吏會元以御史巡使  
屢過此亦有君子亭題額而今皆廢矣  
由於巫卜之說昔聞鄒魯俗真淳今見  
風謠喜鬼神萊海烽傳天北極蠻邦商  
易日南珍風霜有信一年候鴻鴈如期  
九



心庸世積  
月賓華髮異鄉多感淚故人車馬生荆榛

登樓開罇

高樓對酒一高吟霜後遙憐數疊岑白髮無關前日  
老黃花猶作故園心  
藜藜賽鼓荒城暮點點棲鴉落  
木尋滿目風光秋欲盡峨洋何處抱鳴琴

贈花林人新賞

幾年不見花林子夢裏相尋還可疑手把祥蓂分一  
葉葉間三百六旬思

客中餞歲病後追記

何論浪跡久離家猶恨光陰隙駟過放砲武才城上

立學儼兒戲市門多雪庵供佛僧椒飯山木禱神巫  
彩花南下偶然驚歲改眼看殊俗憶京華

登樓

一曲清簫三疊琴羈愁隨處日登臨風來里巷秋千  
索歌在農場夏木陰卧石水同人濯熱高樓雲與客  
歸心青瓜劈出冰堆錯未嚼先知爽滿襟

憫旱

齊明盛服日如新香祝山巔與水濱太守駿奔猶未  
已野人鰲抃定何辰直須沛澤行千里方得歡聲動  
四鄰 雲闕瞻星同部屋祈天永命本斯民



掛佛

佛留千載畫圖明高揭官樓士女迎祈禱虔誠修故事雨隨雷鼓入飛旌

又

百里人來萬目瞻出山遺像正森嚴忽然風雨生平地巨淵驚起老龍潛

又

為民祈雨古三韓香祝先封上社壇壇側牛羊不敢近野人瞻望整衣冠

又

右社壇

龍神於水不於山祈雨胡為龍角山龍以角聽萬民訴佇看秋穀峙羣山

又

右龍角山

使君長夏祝民天人說今秋大有年牲幣前宵東北薦雨來知自古龍淵

又

右巨淵

雲門寺下若耶溪杜老平生穿襪鞋今日使君禱雨去千山萬水幾巔涯

喜雨過後

右雲門

漠漠草黃上下田幾瞻雲漢萬民懸新涼倏忽微霜



心齋世稿  
候久旱消融快雨邊未信三農秋有獲猶堪一夜喜  
無眠終知豐歉天心普晚稼惟應築滿阡

又

涼生衣袂步翩然棲暝林鴉星在天畫閣留人雲共  
關危欄橫笛野無邊秋晴月色尤今夜里巷風謠似  
去年欲識山南催節候儒宮朱寶早登籩

秋坐

風雨無端節序移松楸歸路夢先知異鄉白首爲誰  
在九月黃花亦我欺日下書稀踰嶺至籬邊香阻泛  
尊期故園秋色今何似候鴈南來萬里遲

三弟任所逢亾季回甲晬辰

世間空數地中年未老胡爲棄我先嗟汝弧辰逢舊  
甲使君垂涕對牀前

偶吟得廬字

從古文章多草廬暗龔猶讀五車書寧羞皓鬢凝霜  
雪自有青燈辨魯魚老境衣冠常畏馬少年詩酒憶  
騎驢羈遊百感終難遣睡覺東窓學日梳

又

棲棲羈旅誰爲憑嶺嶠南來少友朋楓老全身同病  
客竹餘清節似高僧浮生白髮終無賴一醉黃花猶



心庵世和  
未能但試秋風吹草木樓頭初看掣鞬鷹

臨歸

清慎居官有龔黃今人爲治古心長君方係外愁常  
遠我欲還家媿劇忙殊鄉歲晏身如放歸橐天寒病  
亦忘弟後兄先行次第低回只爲養高堂

遣懷時在南州

嶺嶠秋雲作雪陰天連邊塞氣蕭森寒花欲老人猶  
北落葉初飛鴈盡南海國吾鄉常遠夢漁樵何日不  
歸心專城有弟忘衣食萬事無關一抱琴

又

未信吾鄉嶺嶠非久看謠俗鮮相違旅遊易與人相  
狎病步難同鳥數飛隱痛早孤見客少誰知至弱得  
年稀窮廬白首還奇事猶有兒曹老可依

觀太守點兵

太守三申令鄉兵四起蠶清秋鍊武地落日盛軍容  
劍槊飛騰馬旋旗變化龍戎裝俄脫却閒坐對官松

病中聽雞

雞鳴何處夜何其一唱人間萬事期枕上此聲殊不  
惡沉痾去體豈非時

邂逅山家風雨晨先鳴搏翼最驚人不關臨曙聲相



促送客明星馬渡津

寧親嶺邑

嶺外寧親歲暮天三年吾弟一城專峽江有響非驅  
石古木無心自起烟野曠馬牛行不進天寒鶴鶴舉  
猶先今宵病骨投何宿遠近全輸僕御權

行中

昇疾轎如屋難於蜀道程二兒皆異在一子與同行  
馬上聞音信途中見至情扶元少藥餌夜夜進雞烹

又

山店暮投宿踈籬依秣駒山川多種雪行役獨宜秋

為客元無物還家却有愁稀齡奄到此不復死生憂

又

村寒雞不下山坼日微紅機上鳴梭女門前立帚翁  
吾行湖北雪人語咽西風閒曠猶宜性胡為復洛中

又

荒郊穿盡八山溪嶺岫重重萬木陰雪擁柴門寒吠  
犬風高籬落夕藏禽松燈照徹迎人處暝飯慙懃待  
客心昇疾寒行誰復念有時投店抵千金

又

地隨形勝置長城國有邊憂小防營山店遠開先獨



心齋世稿  
樹酒壚新設表前程耳邊峽水互相激枕上隱雷猶  
自鳴倉積儲胥兼補賑居民何不務農兵

又

知我病宜先告還憐君老滯簿書間嶠南地闊多船  
渡京北天長盡雪山人過三年情更恶馬行千里步  
成閒相依窮道唯奴僕醉飽無禁見好顏

臨發

南國初來八百程弟兄還似夢中迎黃菊白雲隨處  
有竹林晴雪獨含情

又

皂蓋君今再度嶺白頭吾亦一經秋寒天知有前宵  
雪鼓角聲高送客愁

序

送蔡季紹宰松禾序

邵城蔡季紹出監松禾縣將行喟然曰吾所以爲邑  
者其有異於人乎固知其所勉焉唯繼述之責甚重  
以是憂懼不自安於心願子有一言相贈嗚呼季紹  
以鳳巖爲父以屏溪爲師矣兩先生以道業德義相  
期於千載養聲望山林其出而仕也所過郡縣皆有  
異績故老遺民至于今歌吟弗已士大夫之往來境



下者爲余道之如此余生晚未嘗供灑掃其門則遂  
乃想見其流風餘韻於門人子弟之間有若曠世而  
相感焉者前二年春余與季紹諸人舟游巴陵江上  
屏溪之胤子尹道經自富陽任所載酒而至方其舉  
帆烟波酒食淋漓客有吹洞簫而助其樂者道經終  
日舟中容儀簡重無倦色季紹整襟危坐誠慤著於  
外觀於二公益知兩先生之賢也季紹以平日所聞  
於父師之訓又得如道經爲友而飭躬砥行讀書窮  
理以及乎天下事物則雖大於字救者固將沛然尚  
何憂一小縣哉然兩先生之爲郡縣已五十有餘年

世道人心日益下如水之流不可以復返彼下邑窮  
鄉風謠民俗亦安知今不異於古乎以一人之身擅  
百里之境死生恩威皆由於我其責旣重矣而爲治  
之難不啻倍蓰於兩先生時世則季紹之憂懼不自  
安人情之常也季紹其往何以爲哉夫使民樂生興  
業鰥寡孤獨皆得以有養雞鳴犬吠相聞于四鄰卽  
兩先生當日爲政亦不過於此耳古人有流落飢寒  
終身不用而一飯未嘗忘其君者况今季紹爲朝廷  
之命吏臨民行政豈敢忘父師乎

送松園族叔隨伯氏判樞公赴燕序



我東臣子之使於北義不敢言勞啣 王命載幣皮  
歲結轍於燕路稽首髡皇帝庭下方其出疆也天大  
雪以風陰雲閉塞慘悽寥慄自昔爲其親戚閭里故  
舊莫不以壺酒相將咨嗟太息或爲之流涕然蓋其  
叙情憫勞之語少而含冤忍痛之意多其爲使而往  
者亦能真知輕重不作幾微色顧瞻周道風發車揭  
之恨自國都以外倍激於平日不復知室家之眷戀  
行道之饑渴而萬里山河歷歷興懷禮樂文物之化  
爲腥羶區域已在目矣今之人亦尚有此意思否抑  
或未耶唯我宗黨諸賢其有異乎人焉毋論其美官

厚祿竊賤韋布以 仙源文忠公清陰文正公二先  
生爲祖而何嘗一日而忘中國乎况爲使价而入其  
地乎 二先生當丙子虜亂身任天下大義扶萬世  
綱常弟兄雙節昭如日星天地知之夷夏誦之荷興  
我 列聖朝褒崇詠歎至發於御製篇什則藐茲後  
昆何敢私焉其後壬癸之間文正公孫文谷文忠公  
夢窩忠獻公兩世專對赴燕適皆值  
大明天子神皇再造之歲甲子一再周而天下變故  
滄桑尚忍言哉 忠獻公弟稼齋公處於畎畝若將  
終身聞伯氏使命奮身而起促賣牛買劍從之蓋孔



懷之情雖出於曠漠冰雪撫背以護寒慄擗揄燈火  
聯牀以適飢飽而以平生慷慨之志素所蓄積亦欲  
其一訪薊門易水舊地徘徊躑躅像想其倚筑而歌  
者若相與叱咤因以陰求隱居山林講道豪傑之士  
幸而有所遇焉則尚可論天下事早晚也此豈易以  
語人也哉松園族叔又以 忠獻公孫爲扶翊伯氏  
判樞公使節束裝赴殊庭一如 稼齋公故事耳判  
樞公忠蓋既無媿於繼先烈而松園杜門圖書蕭然  
一布衣然其奇偉英爽往往有不自掩者必不肯屈  
首疲役重自恥辱而顧其地則 稼齋公所處也中

心鬱悒亦 稼齋公所蘊也人或不知其何心而猶  
有曠百世相感者今松園得於諸祖稼齋公之賢取  
以爲法提挈相將填篋迭唱乃在異域窮荒履前人  
之所履乎嗚呼天時人事比諸八十年前未知其如  
何而若其行邁靡靡黍離之悲觸境增感觀於昔時  
俠窟蔓草寒烟徒使人噓唏以過則古今同一意也  
既辭而出城門親戚故舊飲餞者幾人道傍咨嗟太  
息者又幾人余爲 仙源文忠公孫而讀春秋窮山  
老白首矣欲以此一部書送松園今日之行其不可  
乎哉重爲之慨然



祭文

祭三從弟侍郎 應淳 文

始聞公歿我心若癡倘悅相顧淚不遽墮朝來白馬  
如玉其人拜辭 闕下江漢在前孰謂一渡而不復  
還矜陽問舍豈其鬼緣吾家忠孝世有爵祿棹楔成  
列過者必式公承厥後自家而國怡愉在側日趨雲  
陛早自揚名迺蔚華譽既食而報鞠躬而瘁知公者  
誰上有 明主加恩進秩悼死如生感泣哀綸千古  
臣衷閭巷相弔亦皆傳誦人情可見天意敢忘病緣  
明時曩乞長暇微雨其夕我造公第客退軒空望遠

凝思執我之手勸我以酒醉輕浮世老見肝膽同卧  
一席兩忘升沉俯仰時變語或太露公自悲咤我狂  
而傲撫跡倏忽如夢方覺扶病霜郊來亦何為躑躅  
靡憑蟲鳥悲號蒼松卧石公愛其廬松寒石瘦公隨  
而辭茫茫九原哀孰起之獨有多涕盈此酌卮

祭季母竹山安氏文

維我季母淑人竹山安氏從季父官義城之六年二  
月庚戌而棄世焉嗚呼闔門之哲範云云而一室之  
依庇已矣乃以其翌月庚寅奉柩就忠原界順流而  
西泊于杏湖亭舍遵先兆以禮葬之即丙申四月二



十一日也其前已未從子等爲文告哀曰旌嬰浮江路近城郭泉淇入望幽明間之季母其有知否其不躑躅而悲乎從子輩始聞喪也兄弟相聚而哭失聲迎櫬於江上策馬而如不及此皆生人之哀憾奔走固知無望於冥然長逝也然猶復徘徊延佇若有所待蓋其醫藥救護不以身親倉卒屬續在於他鄉或疑其復起牀茲同我季父而來齋壺榼歸寧於在堂之親而弱妹稚弟左右懽愉於側也及夫春江宿霧畢竟相會則靈輻載舟板輿空返撫哭弟妹如嬰失抱仰視季父如琴斷絃季母之一身亾而萬事非者

如此固足以增傷重哀心絕氣短又誰謂大耋高位爲世所稱道而以平生小嬌之愛遽貽戚於今日也哉嗚呼記昔戊辰之春季父奉我王母避厲出寓盡室乘舟季母不以其棲屑而喜得有圓滿從帷帳間指點湖亭烟樹遠近有鹿車荆布之意而無憂患困苦之色使季父日具甘軟以養老樂而忘憂若是者豈非季母內助之賢乎處貧窶窮約而猶然則其在專城志物之克盡其美者尤可知已季父少時喜朋友賓客敝屋寄旅烟火蕭然而佳肴美醞不時而辦以順適夫子之志堪輿醫方之士時或相續於門而



亦必善遇各厭其意然比於季母之德特餘事耳重念所后宗祀之托至誠積禱幸得舉一城也而歷數三十年光陰大半是頻乳頻哭憂傷慘怛時也氣血安得不消耗虛渴而久享晚塗之福乎嗚呼其止於斯也若其達識遠見爲簪珥之傑然而非鬚眉男子之所可及者內外親黨之言也顧從子輩何敢私焉猥自以年齒相比其分雖嚴其情則姊妹每一造拜言笑藹如凡世間之卒富貴隆顯衆所忌嫉者雖不願有是見從子輩困躓無成則輒爲之咨嗟太息而莫以成敗論英雄底意思亦未嘗不存也集淳命途

益畸疾病嬰憾之際偏受子視之恩實有不敢忘者而無一報效奄此大訣徒有涕淚共彼江水嗚呼從子輩今以衰白重過是唯季母疇昔之所居松門草廛井臼依舊其尚有不昧之靈從此而歸來也耶

祭清州從兄文

代作

嗚呼吾與公以蘭谷茅洲二祖之孫出后而爲同室兄弟矣世謂同堂兄弟之篤於情愛者如同氣然而同氣之間亦有受恩之淺深焉若公之於吾則特一同氣而恩深者耳粵自王考之棄背杏湖古宅廓焉無庇三世兩孫唯有吾與公而已公其自此同室而



心齋世稿  
居不忍一日相捨乙卯禍釁三朔寢苦公爲之哀愍  
怛傷保以嬰兒尪羸善病之得有今日豈非公之爲  
恩者淡而及其長而治鉛槧與學士大夫遊又未嘗  
不隨公之後苟有一句語可意者輒動色以賀過加  
獎詡欲使鼓舞乎詩騷之場而不知倦焉其終得免  
爲不識字之歸者實亦公之賜則吾於公其敢忘乎  
今雖欲復爲此得乎嗚呼公杜門讀書早負聲望一  
時儕友莫不期以公輔偉器而有如一朝奮起則其  
必指顧風雲卿相可力致也平日之從公遊者方且  
滾滾天衢而公獨隕於公車屈志棲遲於州縣爲世

所嗟惜公嘗慨然謂曰吾與爾出后而來矣門戶之  
責其不在此耶吾既老矣尚有望於爾耶兄弟當日  
相對以爲語者寧不悲哉公今白首庶簿書歸卧舊  
廬則寒花老石爲其晚契矣夫以恬靜閑養之操持  
爲致壽之符而使公得享喬松之年以娛桑榆餘景  
而吾亦將解官嶺嶠日造公之席復得以源源爲樂  
去年秋公之姪侍郎會元以 聖明之所眷遇而卒  
然而化驚憾我一門其後未幾又哭我仲兄於千里  
外號眺蒼黃望城欲塞而公之凶問遽及馬首矣嗚  
呼此何爲哉愴况失聲未暇知悲今則日月有期窀



窆將治茫茫斯世與公長辭安得不一吐出胃中之  
哀而以爲之訣耶

祭季子婦俞氏文

出后季子婦孺人俞氏之柩將以癸卯十月己巳朔  
向其舅家先山下孺人十六而歸十七而死死又未  
二旬而旋娶浮江東至于黃驪將托體於荒山之一  
短壠也其本生舅老而益窮悲不自勝爲之彷徨躑  
躅於祖途之側而終不可以少留焉則乃以前二日  
丁卯操果鱸之奠而與之訣曰汝生卽失恃母外祖  
母未嘗一日而離懷中濡染賢夫人閨範以長以嫁

及入吾之門也卽乎容貌服飾之盛進退折旋之際  
而已得之矣粹乎若奇花美珠蘊之以靈心慧識而  
端莊雍容有足以宜其福祿也吾晚而有汝其所以  
愛重期望實倍常情且念吾兒無母其生可哀而得  
汝良資以爲配者隱然若有人之所無唯知造物之  
偏厚吾而不知其猜疾旁伺者在焉甚矣吾之癡且  
妄也是雖然矣抑非吾之妄而汝實欺之耶非汝欺  
之而吾之窳有以累之耶不問其汝欺而吾窳其以  
汝爲死而爲鬼也以汝之奇花美珠與荆榛瓦礫而  
同歸乎汝之靈心慧識終飄蕩於冷風飛塵乎聞汝



疾飭亟往見之氣喘喘四肢挑動若不可以終日而見吾手執藥器則輒必堅坐盡飲宛轉叫苦不續語音而有時開睫視吾曰坐席得無冷乎願小餐加匙焉蓋汝之孝出於至性至死而不變吾雖欲復聞此言得乎自汝之戢木而棄虛室易月踰時固已絕望而日出則或意汝之復起也風寒則疑有汝之候訊也語及葬具則若治汝之婚時也吾之癡心妄想一何過於汝生死也吾兒既出而爲人後使汝延數年遺孩以成宜家之責足矣因得以少報汝外祖母至情深恩於餘日則爲汝悲者不若是之極也汝若有

知乎其必不自悲而重結恨於此也汝之容貌聲音寄吾耳目而異時相逢於泉下或恐其未詳既歛而啓三視其面吾在而汝猶在耶

哀辭

李教官彥忠哀辭

李教官承貞名彥忠完山人也其祖考知事公諱存道以完平元勳嫡長當癸卯會盟奮曰不義也不敵血登壇與侍郎子棄官歸鄉里余嘗過江漢屢道於黔安兩府間故老村氓猶指以語知事公所居不及見知事公而見其孫教官公性耿介孝友與人交有



信義少時玉貌清揚爲詩文富贍美麗往往如一曲  
澄湖烟波自生人謂古家有孫矣中司馬一官內侍  
三八金吾以非罪竄嶺嶠又貶海上病幾死自是不  
復有意於進取而修葺其先人槃廬以歸焉余不見  
數十年意其落拓窮厄有憂愁怨尤之色一日造公  
荆門方醉卧牀客至馬鳴于庭木而不知也呼而起  
之舉手熟視曰子非吾少年故人乎何爲而到此也  
吾自擯斥以來既知無用於世將欲用之家以種樹  
治田爲業歲時伏臘飲食進醜亦足以優遊自樂因  
與余覽觀其田園千樹栗百畝秔稻匏瓜雜菜不待

賈而足嘗聞始蒙宥盡棄謫中資產而歸歸未幾居  
停人載錢五百以遺之其田園蓋出於此云公之在  
謫率不過一歲而能信於賢士大夫之間者其必有可觀  
若使富貴功名上下賢士大夫之間者其必有可觀  
而不如今寂寥無疑也偶有當路復進之於蔭仕而  
病已不可爲矣竟以丙申三月二日而卒嗚呼惜哉  
若余悲者世其幾人爲此哀誄俾執紼者歌焉辭曰  
才不才人遇不遇天夫何能於人而獨不能於天  
不可必歟我姑視彼茫茫而有蹊於後人歟

族姪亨根哀辭



童子亨根宗兄副率公之晚生也副率公之所多者也公家北山下讀書以求其志幾四十年而得亨根是爲公再聘崔孝子之門所自出崔孝子里中所謂今之山南也亨根既萃兩家積德而生而質愿有器局譬如良田嘉種爲苗爲芽茁然以長也則爲父母者尚恨不能一日而加冠其首以有成人之責以托其家業不幸年十三而暴疾死於黃驪之濱黃驪古多稱文學公爲教養子孫而擇居焉築室種樹田園纔成而兒則亾矣其鄰里諸君子莫不爲之出涕爲文以慰其親嗟呼此足以知童子之有賢父而才且

行也童子有前母二兄長天仲出后無異於獨子而死者夫豈悲公一身而已哉重爲崔孺人悲也辭曰父曰嗟予子兮我髮皤母曰嗟予子兮我眼花爾讀兮我書我績兮爾衣有爾我慰無爾誰依曾不離我跬步之間兮胡爲乎彼短壠與草花而不復歸

八灘南公 肅寬 哀辭

八灘南公以東岡名門之後有先考弄丸齋先生棄官歸隱林下讀易其高風遠韻人皆志之弗倦南氏自東岡至于公世居楊根治之北龍門山下有山泉禽魚之樂昔余家湖海之濱去京師遠不幸慈母早



心齋七稿  
世先述閨門之懿而乞誅於當世君子以悲之及南  
公之誅文來也有若吾族祖檜巢公太學士竹峴李  
公咸在座嗟歎曰聞其名不見其面讀其書可知其  
人余以八九歲兒得於在傍竊識者如此其後數歲  
入京師聞公已擢司馬高試自期以古人道義文章  
孝悌行於家庭名聲流於朋友其稱京師也久至是  
而追思湖鄉諸長老之言豈不信矣乎公嘗力耕山  
田苦難以食遂去峽而歸江漢寄寓許滄海舊園則  
其自喜爲詩益甚春夏之交 二陵之外草樹際天  
鷗鷺帆檣之上下出沒於波濤雲烟變化之間無不

傲睨憑望羈旅牢騷窮餓其身鬱鬱而不自得者與  
其世道之污隆時俗之薄隘一皆發之於歌嘯永歎  
以爲囊篋之有旣而從槎川李公大闢詩家門戶公  
之詩朝出於江漢夕已至于嶽下踔厲風發清新奇  
警率常屈其座人一時士大夫傳誦不已皆慕與之  
游篇什之富將充棟而汗牛其高出自風雅浸淫於  
唐宋而唯陳腐之務去也公又手抄槎川詩托於燕  
薊行人江南文士覽之以謂中州三百年所罕有夫  
使槎川名聞天下亦公之爲之先後之也余嘗以故  
人穉子拜公於晴霞洞第仰瞻顏髮已覺其衰落而



嶷然古家詩禮典刑耳然侗儻奇傑之氣猶見於眉  
睫至於盃酒談笑之席隱隱有輕世肆志之想使人  
知敬愛而不可狎焉若是者既不以公處於賢邪之  
間安危之際而有驚世絕俗之行則其透迤陰塗折  
節以取容州縣以少試非不能也不屑也是以爲養  
屈志晚得山海數邑而亦未嘗終三年淹也公老益  
貧以官爲家罷則無所於歸徵士權公以清風黃江  
之主人適聞公解紱旁近縣引迎其馬首指鳴梧一  
區地曰此可以耕可以漁吾鄉之南村卜隣晚景源  
源不亦樂乎公於是感權公厚義而挈家從焉竊唯

念南公之王考淮陽公鄉黨長德曾以蘖溪田園歸  
於三淵先生以居之甚盛事也權公之所以爲圖者  
豈不出於先輩受授風流而古今同一意也哉吁亦  
可奇己公之長子與余生同年月也賢而好文克世  
其家於公之喪遠屬以輓語義不敢辭而顧病憂因  
循墓草已再宿矣自以平生所敬慕而效之於相紼  
之列者恐遂闕焉爲慙負乃爲之辭曰嗟夫子獨立  
於濁世兮宛仙鶴矯矯于雞羣忽乘化儻然而遠逝  
兮恍飄飄御風而望天門惟卓犖精爽之不可滅兮  
豈獨彼厚夜與黃壤而沉鬱秀之爲長松千尺兮蘊



之爲白石錯錯余既歷觀于衰俗兮曷有庶幾於夫子之清標雖百年之遠而聞其風兮其必有想像興慕而咨嗟矧余自少同里閭而陪杖屨兮伊南望獻歎而涕流離鳴梧之山山溪谷幽兮衡茅掩翳於其間而古琴獨在衡茅是夫子所愛兮古琴亦夫子宿契誰爲復彈一曲於茅之下兮髣髴瞻挹乎斗牛之光氣

南楊口紀雲哀辭

昔我先祖仙源文忠公與仲氏清陰文正公年位俱高治別業于本第之西清風溪水石佳絕乃作寘賓

閣卧遊庵孝養二親置太古亭池上以登臨嘯咏塢簾迭和蓋嘗得一區之名勝叙至樂於天倫而自風溪而北逶迤三四十步有洞呀然曰晴霞澗壑隱隱多林木雞犬之聲相聞是爲宜春南氏園也文忠公女婿司禦南公若外孫參判公居之參判公以東岡名賢爲祖又爲文忠公宅相密邇門庭朝夕受訓其於仁義忠孝大節如飢渴之於飲食既致位清顯名聞於時而修治其園中臺榭花石傳之永久毋敢荒墜遙追我文忠公盛德故事則南氏世世宜其子孫之多且賢也雖其年代寢久後屬踈遠亦宜以先世



之思勗其後人相視而莫逆兩家而一家也參判公以後有淮陽公淳厚長德觀察公恬靜其守累累乎相繼而顧生晚未及見其盛時始得見觀察公之孫海叟漢叟氏昆季余於二公之間遊甚謹然海叟氏年差長尚恐其不我欲也尤與漢叟篤好遂至數十年無一日不相見焉海叟氏好禮尚古後出爲南平縣有循吏良能之稱漢叟纔勝冠已捷司馬小解聲名夙著不以余庸下猥許以周旋筆硯之末遊衍水石之樂以及乎春秋佳辰風雨憂愁未嘗不相與共之嗟夫世間豈無親戚朋友相徵逐不厭握手出肝

肺而未有若吾與漢叟七八世同開至老死不相忘者也漢叟自幼少愛親敬兄居處必莊長而有賢內助不以憂衣食亂心克育多男蘭玉交暎於前人方歆豔歸福之不暇而有時途其眉睫愀然曰親年高矣終不能獲成科名以有一日之悅乎是在我者未盡也如余鮮民間之有戚戚於心雖欲爲此言得乎漢叟日夜讀書治辭賦出而應之若將馳騁當世而譬如百戰之士捐身赴難始雖獻捷終亦無功困不得志鬱鬱以自老則且謂漢叟以其所蓄積旣不得志於科窮極而通必將大發之於蔭途以追償旣往



心庸世稀  
如持左契而無疑也及居前後憂致哀鄉里稱其孝自是而無意於進取廢應舉筮仕廬內外多顛躓十年居閑而又哭海叟氏先逝則忽忽衰且病矣官止二縣竟卒於關東之任所寧不悲哉平日凡與漢叟遊者皆知其可惜而余獨知之最深而久故所以懷兩家先德之盛而悼良友之難作如此云系之以辭曰曩送子于東縣兮微我壺之無酒忽摻裾而不樂兮嗟子病於衰暮夫豈徒黯然而銷魂兮竇維中心之隱憂登伯氏晴霞之樓兮古亦有此別離存亾淚於十載兮時又值其九秋落葉侵關兮晚菊垂庭鴈

嗷嗷而南飛兮馬蕭蕭而東征覽子面之幾微兮去故而就新自子一去兮巷如無人名園閨其門閉兮其誰與而盤旋薄言出而寫憂兮延佇乎吾將返寄相思於雲樹兮奄纏恨於樑月心惻惻於生離兮悲莫悲兮死別龍門之山兮秋栢實北城之宅兮岸有楓想英魂之去來兮應髣髴乎平生嗟余白首老且死兮誰復一觴酌於公

記

唐城金中軍世輔去思碑後記

故南陽中軍金世輔身出閩巷止於幕府官卑矣闕



未華也死己五六十年人猶誦其忠信不倦何哉余少時聞諸南陽故老府城下蓋有金世輔中軍去思碑云及覩近世諸名家所爲世輔作傳記具道其居家孝友可異焉其後世輔孫洞又辟於南陽幕府洞之至軍校老而知世輔中軍時事者咸曰舊中軍之有德於南陽民多矣歌吟追思至于今不忘公以其孫繼此職來豈非事之奇乎因言舊中軍去思碑起廢狀甚悉始以軍情終因朝令洞於是戚戚然立起如碑之所乃於荆蓁瓦礫間得見其姓名如復見其祖焉洞之不敢湮沒其事欲傳之於後者亦可謂類

祖之賢夫以世輔孝友忠信惜乎其生晚不及丙子北虜之亂也若使世輔而受任於尹忠定南陽都護之日則見其城陷主將死於虜鋒奮烈同歸以大壯畿甸山河立祠而俎豆之尚可論一片石顯晦於其間也哉然世輔既不遇於此忠臣孝子之成其名亦有時而然



自有遺稿詩抄終

跋

族人前都正在淳仲寬令公投示三編冊子題以心庵世稿即我三從兄摯庵公及其子若孫三世之遺什也摯庵公志道學陋文辭平日士友間所酬唱者亦甚夥而珠唾之餘光瑣沫猶有不可終泯者故勤謹裒粹以成編其不幸早世未得展布其萬一者則既有族祖三淵先生畫傷慨惜至發包括天地等褒美之語又詳於俞參議汝成弁首之文復何容贅舌於其間哉公之胤有諱履復字得初號蠡齋其英華之發爲詞章者典雅沉着真禁癘大蔽也其孫名曰



顥淳字正甫以自有爲號者浸淫乎唐宋孺染於家  
庭多得鳴世者之所稱道實仲寬甫之季父與仲氏  
也抄精選峻各成一編苟非孝友之所推何能及此  
以順行嘗及見齏翁自有之盛時時與之往復評品  
也請足之余敬受奠之几案披閱未半如坐百花香  
中心醉而目眩又若親接警咳於一席頓忘玉晨之  
已隔也又復繼之以悲託於邑而謹書于末



